

# TEBELOPELE YA 2036

## GO ATLEGISA TSWELELOPELE YA BOTLHE

E rulagantswe ke

LEKOKO LA GA TAUTONA LA **TEBELOPELE YA 2036**

## TEBELOPELE YA 2036 – GO ATLEGISA TSWELELOPELE YA BOTLHE

E rulagantswe ke Lekoko la ga Tautona, Phukwi 2016

E Gatisitswe Ke Lentswe la Lesedi (Pty) LTD  
P O Box 2365, Gaborone, Botswana  
Mogala: 3903994, Cell: 73786762  
e-mail: [publisher@lightbooksbotswana.com](mailto:publisher@lightbooksbotswana.com) kgotsa [lightbooks@zebranet.co.bw](mailto:lightbooks@zebranet.co.bw)  
web: [www.lightbooksbotswana.com](http://www.lightbooksbotswana.com)

Mo boemong jwa  
Lekoko la ga Tautona la Tebelopele ya 2036, Gaborone, Botswana  
[www.vision2036.co.bw](http://www.vision2036.co.bw)

Copyright (c) Government of Botswana, 2016  
E gatisitswe lantlha ka 2016

ISBN 978-99912-71-57-6

## TEBELOPELE YA 2036

*“Mme Morena a mphetola, a re, kwala ponatshegelo e, mme o dire gore e bonale sentle mo dimating tsa kwalelo, gore motho a tle a e bale a ntse a taboga. Gonne ponatshegelo e sa ntse e na le lobaka lo lo laotsweng, mme e be e itlhaganelela bokhutlo, ga e kitla e aka: leha e ka diega, lo e lete; gonne ruri e tla a tla, ga e ketla e diega.”*

**Habakuke Kgaolo 2, ditemana 2-3**

## DITENG

<i>Khutshwafatso</i> .....	i
<i>Tshimologo le Ditebogo</i> .....	ii

<b>MOTHEO</b> .....	1
<b>KGAOLO YA NTLHA (1): KETAPELE</b> .....	3
MAIKAELELO LE DIPILARA TSA TEBELOPELE.....	3
MAITLAMO A KONOKONO A TEBELOPELE.....	3
KAFA TEBELOPELE E RULAGANTSWENG KA TENG .....	4

<b>KGAOLO YA BOBEDI (2): GO BOPA MOONO WA TEBELOPELE YA 2036</b> .....	6
MOONO WA MAFATSHE.....	6
MOONO WA KGAOLO.....	6
MOONO WA SETŠHABA.....	7
SE RE SE ITHUTILENG MO TEBELOPELENG YA 2016.....	9
MATSHEGO A SETŠHABA.....	10
KGWETLHO E KGOLO: GO FALOLA GO NNA ITSHOLELO E E FA GARE.....	10

<b>KGAOLO YA BORARO (3): DIPILARA TSA TEBELOPELE YA RONA</b> .....	11
<b>PILARA YA NTLHA (1): TLHABOLOLO YA ITSHOLELO EE TSEPAMENG</b> .....	11
ITSHOLELO E E TSAMAIWANG KA KITSO .....	12
TLHABOLOLO YA BODIREDI.....	12
GO GWEBE LE PHADISANO.....	12
TLHABOLOLO YA MAFARATLHATLHA A DIDIRISIWA.....	12
MHAMA WA DIKGWEBO TSE DI MO MEKGWATLHENG, TSE DI POTLANA.....	13
MHAMA WA DITSWAMMUNG.....	13
MHAMA WA TEMO – THUO.....	13
MHAMA WA MADIRELO A DITHOTO.....	14
MHAMA WA BOJANALA.....	14
MHAMA WA DITIRELO.....	14
MARANYANE A DIKITSISO LE DITLHAELETSANYO (ICT).....	15
DITIRELO TSA MADI LE KGWEBO.....	15
DIPAGAMO LE DITHULAGANYO TSA DITIRELO.....	15
MADIRELO A DITIRO TSA BOTAKI LE BODIRAGATSI.....	15
MHAMA WA METSHAMEKO.....	16

### PILARA YA BOBEDI (2): TLHABOLOLO YA BATHO LE MATSHELO A BONE..16

BOITEKANELO JWA SEMOWA.....	16
NGWAO.....	16
MOTHEO O O NONOFIENG WA LELWAPA .....	17
BOTSOGO LE BOITEKANELO.....	17
KAKARETISO YA BATHO BOTLHE LE TEKATEKANO.....	17
THUTO LE TLHABOLOLO DIKITSO.....	18

TEKATEKANO YA BONG.....	18
BANANA .....	19
BOITEKANELO JWA BANA.....	19
<b>PILARA YA BORARO (3): TIKOLOGO E E ITSHETLETSENG.....</b>	<b>19</b>
DITIRO LE DITIRELO TSA DITSA-TLHOLEGO.....	19
TSHOMARELO YA MEAMUSO YA TLHOLEGO.....	20
TSHIRELETSEGO YA METSWEDI YA METSI.....	20
TSHIRELETSEGO YA SEEMO SA KGOTETSO.....	20
TIRISO LE TLHOKOMELO E E TSEPAMENG YA LEFATSHE.....	21
BONNO A A ITSHETLETSENG.....	21
GO LEPALEPANA LE PHETOGO YA LOAPI LE GO FOKOTSA	
DIBETSO TSA TLHOLEGO.....	21
KGOTLELESEGO YA TIKOLOGO LE LESWE.....	22
<b>PILARA YA BONE (4): TSAMAISO PUSO, KAGISO LE TSHIRELETSEGO.....</b>	<b>22</b>
MOLAO-MOTHEO LE DITSHWANELO TSA SETHO.....	22
POPEGO YA MAKALANA.....	23
KGAOGANYO YA DITHATA LE BOOKAMEDI JO BO NTSHANG MADUO.....	23
BOGOSI LE DITSAMAISO TSA KGOTLA.....	23
GO ISA DITIRELO KWA BATHONG.....	23
SEABE SA MAKGOTLA A SECHABA.....	24
TUMELO LE SECHABA.....	24
GO DIRELA DILO MO PONTSHENG, MAIKARABELO LE TIRAGATSO.....	24
TSAMAISO YA DITLHOPHO LE BOEMEDI JWA SEPOLOTIKI.....	25
BORUKUTLHI, KAGISO LE TSHIRELETSO.....	25
DITIRISANYO LE MAFATSHE A SELE.....	26
KGOLOLESEGO YA GO BUA LE GO BOPA MAKGOTLA.....	26
<b>KGAOLO YA BONE (4): GO ROLA TEBELOPELE .....</b>	<b>27</b>
<b>LENANEO LA SECHABA SA DIPHETOGO.....</b>	<b>27</b>
<b>THULAGANYO YA GO DIRAGATSA MAITLAMO.....</b>	<b>28</b>
<b>TSAMAISO YA PEO LEITLHO, KANOKO LE BOIKARABELO.....</b>	<b>28</b>
<b>TSAMAISO YA DITLHAELETSANYO LE DIPHETOGO - GO GAPA DIPELO LE</b>	
<b>MEGPOLO YA BATHO.....</b>	<b>29</b>
<b>TSETLANA YA NTLHA (1): MAKAEADI A A NANG LE BOKAO JO BO UTLWALANG...31</b>	
<b>TSETLANA YA BOBEDI (2): MOKGWA WA GO DIRAGATSA.....</b>	<b>34</b>
MOKWALO WA MAKAEADI.....	34
LEKOKO LA BARONGWA BA GA TAUTONA.....	34
DITHERISAYO.....	34
TEKODISANO.....	34
MEKGWA YA DITHERISANYO LE BANALE-SEABE.....	35

GO TSAYA MALEBELA KWA MAFATSHENG A SELE.....35

**TSETLANA YA BORARO (3): MALOKO A LEKOKO LA GA TAUTONA.....36**

BOEMEDI JWA MAKGOTLA A A FAROLOGANENG.....	36
BOEMEDI JWA BAITSEANAPE.....	36
BA MOONO WA TLHABOLOLO ITSHOLELO EE TSEPAMENG.....	36
BA MOONO WA TLHABOLOLO YA BATHO LE MATSHELO.....	36
BA MOONO WA TIKOLOGO EE ITSHETLENG.....	36
BA MOONO WA TSAMAISO MMUSO, KAGISO LE TSHIRELETSO.....	37
LEKOKO LA BOKWALEDI.....	37

## KHUTSWAFATSO

AIDS	Acquired Immune Deficiency Syndrome
BALA	Botswana Association of Local Authorities
BIDPA	Botswana Institute for Development Policy Analysis
GCR	Global Competitiveness Report
GDP	Gross Domestic Product
HIV	Human Immunodeficiency Virus
ICH	Intangible Cultural Heritage
ICTs	Information Communication Technologies
M&E	Monitoring and Evaluation
MICE	Meetings, Incentives, Conferences and Events
MPI	Multi-Dimensional Poverty Index
MSEs	Micro and Small Enterprises
MYSC	Ministry of Youth, Sports and Culture
NCDs	None Communicable Diseases
NDPs	National Development Plans
NSO	National Strategy Office
NTS	National Transformation Strategy
PDL	Poverty Datum Line
PTT	Presidential Task Team
R&D	Research and Development
RISDP	Regional Indicative Strategic Development Plan
SACU	Southern Africa Customs Union
SADC	Southern African Development Community
SDGs	Sustainable Development Goals
TB	Tuberculosis
TIMSS	Trends in International Mathematics and Science Study
TNSPS	Transformative National Strategic Planning System
UNDP	United Nations Development Programme
UNESCO	United Nations Educational, Scientific and Cultural Organization
UNFPA	United Nations Population Fund
UNICEF	United Nations Children's Fund
VCS	Vision Council Secretariat
WHO	World Health Organisation

## TSHIMOLOGO LE DITEBOGO

E rile mo kgweding ya Ngwanatsele 2015, nna le lekoko la me ra tswa letsholo re romilwe ke Motlotlegi Tautona Lt. General Dr. Seretse Khama Ian Khama go rerisana le Batswana ka isago ya bone. Re ne ra ralala lefatshe le la rona ka bophara, go tshwara diphuthego le mo makgotlaneng a a amegang ka go farologana. Re ne ra reetsa ka kelotlhoko thata le kgatlhego go utlwa Batswana ka rona ba itlhalosa ka botswerere le ka maikutlo a mantle ka isago e ba e eleletsang lefatshe la bone, le go tshela mo go lone ka ngwaga wa 2036. Ka jalo, Tebelopele e ke kakaretso ya dikarabo tsa bone, mo dipotsong tse di latelang:

- **Re batla go aga Botswana yo o lebegang jang ka ngwaga ya 2036?**
- **Motswana o eletsa go ipona ele motho yo o ntseng jang ka ngwaga ya 2036?**
- **Gore re kgone go diragatsa ditiro le dikeletso tsa rona, go tshwanetse ga dirwa eng, go dira mang?**

Ke keletso ya rona re le sechaba, go bona itsholelo ya lefatshe la Botswana e nna kwa go-dimodimo, le batho ba lone baya pele ka itsholelo ba akola ka botlalo tsa bokgoni jwa bone. Etswa dikeletso tse di le kwa setlhoeng thata, dia kgonega ka jaana re itlamile, re itomile molomo wa tlase, gore re tla dira bojotlhe go kgona.

Mo boemong jwa Lekoko la ga Tautona la Tebelopele ya 2036 le bokwaledi jwa lone, ke eletsa go supa boitumelo jwa rona go bo Motlotlegi Tautona a ne a re roma ka tshepo. Go na le Batswana ba le bone ba nang le bokgoni jwa go dira thomo eno ya botlhokwa. Re a go leboga Motlotlegi Tautona. Mme ke rata go leboga botlhe ba ba nnileng le seabe mo tirong e. Ke rata go leboga thata-thata magosi ba ba neng ba epa dipitso, ba etelela pele dipuisano tse dintsi tse re neng ra nna le tsone. Seabe sa bone go aga Botswana o re mmatlantleng ka ngwaga wa 2036 se segolo go feta. Ga ke le bale Bogogi jwa Dikhansale le Balaodi, bogolo jang Badulasetilo ba Dikhansale mo Dikgaolong tsotlhe tse re di tsamaileng le bogogi jwa *Botswana Association of Local Authorities (BALA)*, jo bo neng jwa kgonisa go kopana le baemedi ba metse le metsana. Ke leboga Balaodi go bo ba sekile ba ipona tsapa go thusa go rulaganya bokopano le ditlhophapha tse di maleba mo mafelong otlhe a re a tsamaileng.

Re leboga botlhe ba re dirisanyeng le bone go dira tiro ya rona go rulaganya Tebelopele ya 2036 e leng Tona ya Merero ya ga Tautona le Bodirela Puso ka ketelelo-pele le ditsompelo tse reneng re di tlhoka; *National Strategy Office (NSO)* e e neng ya thusa ka boitseanape le go okamela tiro e; *Botswana Institute for Development and Policy Analysis (BIDPA)* ka go thusa ka boitseanape le ditlamelo tsa tsamaiso tiro le madi a tiro e; Bokwaledi jwa Khansale ya Tebelopele ya 2016 (*Vision 2016 Council Secretariat*) jo bo neng jwa thusa ka boitseanape le tsa ditlhaeletsano; *United Nations Development Programme (UNDP)* ka boitseanape mo nakong yotlhe re tshwere tiro-kgolo e; Lekgotla la Mafatshe la Botsogo (*World Health Organisation*) go bo ba ne ba re eme nokeng le go re tshwaraganya le Mhama wa Botsogo; *United Nations Population Fund (UNFPA)* le le re thusitseng mo dikgannyeng tsa bong; *United Nations Children' Fund (UNICEF)* le le neng la rulaganya diphuthego le baemedi ba Palamente ya Bana go tswa mo dikgaolong tsotlhe ka bolesome le borataro; Lephata la Banana, Metshameko le Ngwao le le dirileng gore re kgone go kopana le baemedi ba makalana a ditiro tsa botaki le bodiragatsi; Lephata la Thuto le Tlhabololo Dikitso go bo ba ne ba rulaganya kopano le bana



ba dikole tsa dithuto tse di nnye, tse di potlana le tse di kgolwane mo Gaborone le tikologo; Bokwaledi jwa Khansele ya Ditlhabololo tsa Magae ka go rulaganya kopano ya dipuisano tsa motia le Maloloko a Khansele; Lephata la Merero ya tsa Mafatshe a Sele le Ditirisano le Mafatshe le le neng la re nolofaletsa go tsaya maeto a rona a go ya go tsaya malebela kwa mafatsheng a sele, re sa lebale ba Ofise e e okametseng Batho ba ba Tshelang le Bogole ba ba neng ba re thusa go kopana le batho ba ba amegang jalo. Re leboga re sa kgale mathe-ganong, Sepodise sa Botswana ka go dirisana le rona ka bopelontle le ka boammaaruri, go re ema nokeng go fitlha re wetsa tiro ya rona. Ke leboga Modimo o o neng wa re goga le go re sireletsa mo mesepeleng e mentsintsi e re e tsamaileng. Ke rata go digela ka go akgola, botlhe fela Batswana ba garona, re lopa tshegofatso ya one jaaka re simolola loeto leno lo lo itumedisang.



**Neo Moroka**  
**Modulasetilo**

[Lekoko la ga Tautona la Tebelopele](#)

## MOTHEO

Tebelopele 2036 ke lenaneo la go lere diphetogo le le tlhalosang dikeletso tsa rona le maikaelelo a rona re le setšhaba. Maikaelelo ke go fetola lefatshe la Botswana go tswa mo itsholelong e kgolwane e e fa gare go le isa kwa itsholelong e e kwa godimodimo ka ngwaga wa 2036, mme e supa tebelopele e e rokotsang mathe e supa gore isagwe ya rona e tla nna jang. E tsaya ka motlhala mo Tebelopeleng ya 2016 (1996–2016) tebelopele ya ntlha ya sechaba e agela mo godimo ga yone. E tlare Lwetse e le masome mararo ka 2016, dingwaga tsedi masome mabedi (20) dibo di wetse, gobo go digelwa lobaka lwa Tebelopele e o. Letsatsi leo gape le tshwaya ngwaga wa masome a matlhano (50) lefatshe la Botswana le ntse le ipusa.

Se se bonatshegang ke gore maikemisetso a a dirilweng ka 1996 ga akgale, ka go nne bontsi jwa one a santse a tshela. Maikaelelo magolo a Tebelopele ya 2016 e ne e le “Go Lebilwe Tswelolepele Ya Botlhe.” Mo lobakeng lwa Tebelopele ya 2016, itsholelo ya lefatshe la Botswana e ne ya tsaya lobaka e ntse e gola matshelo a batho ba lone a tokafala lehuma la fokotsega. Botswana gape ba ne ba lemoga 2016 e wela. E re etswa re lemoga gore re segile tema e e bonalang fa go botlhokwa jwa tebelopele ya sechaba, mo go bopaganyeng sechaba le go betleng tsela ya ditlhabololo tsa sechaba. Ka jalo go botlhokwa go iteela kobo-moroko tse mo go bopaganyeng sechaba.

Lefatshe la Botswana, le iphithlela le le kwa marakanelong a ditsela, fa Tebelopele ya 2016 e wela. E re ntswa re lemoga gore re segile tema e e bonalang re lebile go tswela tebelopele go botlhe re santse re lebanwe ke dikgwetlho di le mokawana. Mme ebile, phenyo ya pele ga e tlise phenyo ka moso. Mo godimo ga tse, tsela e e re tsisitseng fa, ga se gore ke yone e e tla re isang kwa re go batlang. Ga go reye gore matshego a a ileng a re belega a kgona go re tshegetsatsa mo isagong. Gape, ga re solofele gore seemo sa botshelo se tla a nna botoka go ya go ile, fela ka jaana mo nakong e e fetileng dilo di ne di le botoka. Ka jalo, go tlhokega gore re itseye motlhala go bona gore re batla lefatshe la rona le nna mo seemong se se ntse jang:

- A re le lefatshe re tswela ka go tsaya diteemane e le tsone pinagare ya itsholelo ya rona kgotsa re tsaya dikgato tsa botlhokwa mmogo go tswakanya itsholelo?
- A re tswelodisa go itshetsa ga rona ka go ja ditswammung tsa rona kgotsa re ema ka dinao go phadisana, go nna tlhaga mo ditirong le go dira botswerere?
- A re ikaega ka mananeo a a re tswalelang mo gae fela kgotsa re bula lefatshe la rona gore babeetsi le bajanala ba tsene, mme ka go rialo re tsenya itsholelo ya letatshe la rona botshelo le go inakanya le itsholelo ya mafatshe ka kakaretso?
- A re tswela ka mananeo a a dirang gore Botswana ba tswelolele ka go ikaega ka puso, kgotsa re rotloetsa go ikemela ka dinao, go ipelega le go rotloetsa mowa wa kgwebo mo bathong ba rona, mme seabe sa mmuso e le go thusa go betla tsela gore dilo di nne bonolo, eseng go laola?

Ka Tebelopele Ya 2036, lefatshe la Botswana le kgethile tsela ya khumo. Tsela e, e lemoga gore re tshwanetse go boela kwa marakanelong a ditsela, go bona gore tsela-pedi re tsaya

e. Mme e se ka ya nna tsela fela e e re isang gaufi le khumo, e nne yone e e re gorosang. Kgwetlho ya rona e santse e le go goga dinao mo tirong, mo go dirang gore re palelwe ke go phadisana le mafatshe a mangwe. Ka jalo, re tshwanetse go simolola ka go kgatlhegela go dira ditiro ka bonatla re le setšhaba.

Lefatshe la Botswana le dumela gore ka Tebelopele ya 2036, re tsenye mo pakeng e ntšha – paka e e sa segelwang tema sentle fela, eleng e e nang le thulaganyo ya go dira tsotlhe ditogamaano le mananeo ka botlalo.

Re lemoga gape gore tsela ya rona go ya pele ga ena go nna motlhofo nako tsotlhe. Go tla a tlhokega gore go tsewe ditshwetso ka pharologanyo, go sena kgomo ya boroko. Go tla a tlhokega ditshwetso tse di thata mme di diragadiwa. Mme re tshwanetse go lemoga gore ka go dira jalo, re tlaabo re tsaya dikgato tse di nonofileng sentle, go tlhomamisa gore botlhe go bona tswelopele.

## KGAOLO YA NTLHA (1): KETAPELE

Maikaelelo le dikeletso tsa Batswana di akareditswe mo teng ga Tebelopele ya rona e ntšha. Ka ngwaga wa 2036 lefatshe la Botswana le tla a bo e le lefatshe la itsholelo e e kwa godimo. Re tlaabo re tthatlogile mo itsholelong e e fa gare go ya kwa go e e kwa godimo, mme ka go rialo re batla ditsela tsa go atlegisa botlhe go bona tswelopele. Lefatshe la Botswana le ka kgona go atlegisa botlhe go tswelela pele, fa e le gore itsholelo ya lone e golela pele. Itsholelo e e nonofileng ga e kake ya kgonega fa e le gore dipilara tsotlhe tse nne tsa Tebelopele ya 2036 ga di diragale.

### MAIKAELELO LE DIPILARA TSA TEBELOPELE

Maikaelelo a Tebelopele ya 2036 ke go tihomamisa gore Batswana botlhe ba tswelela pele. Fa re bua ka go atlegisa botlhe go bona tswelopele, re raya gore maikaelelo a batho ka bongwe ka bongwe, ele morafe le sechaba a diragale a bo a tswa maduo gongwe le gongwe. Ka jalo, Motswana mongwe le mongwe o tshwanetse go lemoga gore Tebelopele e ka kgonega fa re e emetse ka dinao. Tebelopele e, ke ya go dira. E gwetlha go tsaya kgato.

Seemo sa mo gae le sa mafatshe a sele, se supa gore go na le dilo di le mokawana tse di tlhokang go dirwa mo dingwageng tse di masome a mabedi tse di tlang, go lebilwe mathata a nakwana le a goya boleeleng a a tlhokanang le diphetogo tse di tseneletseng. Ka jalo, Tebelopele eno le Lenaneo le le tlaletsang la Diphetogo (complementary National Transformation Strategy), di tla nna masupa-tsela gore gorosa, mme gape di tlaa thusa go batla ditsela tse dingwe tse di farologanyeng go tlhotlha tse di botoka tse di maleba. Seno se tla a thusa go kala boleng jwa kgatelopele ya rona, re tla re lebile dikeletso tsa rona mo dipilareng tsa rona tse nne, go re isa kwa isagong e re e eletsang:

- ***Tlhabololo Ya Itsholelo ee Tsepameng***
- ***Tlhabololo ya Batho le Matshelo***
- ***Tikologo ee Itsetletseng***
- ***Tsamaiso Puso, Kagiso le Tshireletsego***

Tebelopele ya 2036 gape e lomaganya lenaneo la rona la sechaba le lenaneo la ditlhabololo tsa sennelaruri la mafatshe-fatshe (Global Agenda for Sustainable Development) le matshego a ditlhabololo tsa lenaneo la Afrika la 2063 (Africa's Agenda 2063), go tihomamisa gore dikeletso tsa rona tsa sechaba di neelwa sebaka sa go itepatepanya le maikaelelo a mafatshe-fatshe le kgaolo ya Afrika.

### MAITLAMO A KONOKONO A TEBELOPELE

Lefatshe la Botswana le direla mo seemong se lefatshe ka bophara, matshelo a batho le itsholelo di fetogang ka bofefo. Tshaba ya Botswana ya 2036 e tlaabo e sa tshwane gotl-helele le ya nako eno, e tlaabo ele seopo sengwe le tsa mafatshe-fatshe. Re tlaa ipaya mo seemong sa go ka tswa tsia le go phadisana le ba bangwe. Lefatshe leno le tlaa kgona go itepatepanya le diemo tse di bokete, ebile le inakanya le tsotlhe tse disha go tswa tomagano ya mafatshe. Ke gone ka moo go tlokegang gore, mosepele wa rona wa isago, o itshetlele

ka maitlamo a phetogo, a tiragatso, a motia, a a kgonang go obama mme a a itsetsepitse, a a nang le megopolo ya tse dintsha tse di isang pele, a a nang le dipatlisiso tsa dikitso le matshego a sechaba.

- **Phetogo:** Lefatshe la Botswana le tlaa leka bojotlhe go batla megopolo e mesha e e isang pele le tsotlhe tse di dirang diphetogo, go isa lefatshe kwa khumong e e kwa godimo.
- **Tiragatso:** Re tlaa tlhomamisa gore tsela ya rona ya go isa ditirelo kwa setshabeng ga e reketle. Go tla a tlhokega boeteledipele jwa motia mo mehameng yotlhe e e seng ya mmuso, makalana a a ikemetseng ka nosi le a sechaba, jo bo nang le boikarabelo mo diemong tsotlhe.
- **Go Obega Le Go Tia:** Lefatshe la rona le batho ba lone ba tla nna le gone go ipaakanyetisa go dira mo diphetogong tse dibofefo tsa seemo sa mafatshefatshe; go lepalepana le diemo tse di fetogang kgapetsa kgapetsa, le go itshetlela go kgona go emelana le matshwenyego go tswa mo gae le kwa ntle, tse di seng mo taolong ya rona.
- **Itshetlelo:** Go kgona go atlegisa botlhe le ba ba tlaa tsholwang, re tla a nna le maitlamo a a tsepameng a ditlhabololo, re kala ka tekatekanyo tsa matshelo a batho, tsa itsholelo le tikologo, re beile thata mo tsamaisong e e lolameng, re kanoka kgatelopele ya rona re gabile matlotlo a rona: matshelo a batho, batho ka bobone, itsholelo le tikologo.
- **Mekgwa le ditsamaiso tsa Sechaba:** Se releng sone, meamuso le ngwao tsa rona tse di rileng, tsamaiso e e lolameng, go tshela mmogo ka kagiso ga merafe ya rona le ditsamaiso tsa rona tsa sechaba, ke tsone di dirang gore go nne motlhofo gore Botswana e nne lefatshe le botlhe ba ka nnang mo go lone, ba dira ba ba bagweba mo go lone.
- **Megopolo e Mesha Go Isa Pele:** Phetogo le kgatelopele tse re di batlang di tla kgoro-mediwa ke go beeletsa mo megopolong e mesha ya go isa pele, dipatlisiso tse di tsenelletseng le ditlhabololo go tswa mo go tsone, go balelwa le dikitso tsa rona tsa tlhologo go tswa Dipilareng tsotlhe tsa rona tsa Tebelopele; ka jalo re diragatsa mo gae le go oketsa lobelo la kgolo ya boitseanape jwa maranyane.

## KAGO YA TEBELOPELE

Tebelopele e e dirilwe ka tsamaiso ya therisano, kanoko le keletlhoko ee tseneletseng, e eteletswe pele ke Lekoko la ga Tautona le na le baemedi ba ba farologanyeng go tswa mo maphateng a go dirisanngwang le one, ka go farologana. Lekoko la ga Tautona le ne le engwe nokeng ke Botsamaisi jo bo tswang mo ditirong tse di farologanyeng. Gape, Maloko a Lekoko le la ga Tautona a ne a tsaya matsapa go sala morago ditsela tsa go rerisanya le batho mo lefatsheng la Botswana ka bophara, go utlwa gore Batswana ba eletsa go bona lefatshe la bone le ntse jang mo dingwageng tse di masome mabedi tse di tlang. Go rerisantswe thata le merafe ka go farologana, dithopho tse di amegang, makgotla le batho ka bongwe ka bongwe. Go buisantswe le sechaba ka bophara, mmuso, makgotla a sechaba, mehama e e ikemetseng ka nosi, makgotla a mafatshefatshe a ditlhabololo; go balelwa le Batswana ba ba leng kwa ntle ga lefatshe leno. Go ne go dirisiwa mekgwa e e farologanyeng ya go reris-

ana le batho jaaka diphuthego tsa Kgotla, dipuisano le makgotla a a amegang, maranyane a sesha a ditlhaeletsanyo (social media), mananeo a ditshwantsho tsa motshikinyego (TV) le a seroma-mowa (Radio). Maikaelelo magolo a ditherisano e ne e le go dumalana le Batswana gore ba batla go bona lefatshe la bone le ntse jang mo dingwageng tse di masome a mabedi tsemi tlang.

Tsela ya go ithuta e ne e akaretsa go tsaya malebela kwa mafatsheng a mangwe le go rerisana le bomaitseanape go tswa mafatsheng a sele. Go kanoka le go leba dilo sentle, go ne go tlhoka gore re bale mekwalo ya mafatshe a sele ka tsa matshelo, itsholelo, tikologo le tsamaiso semmuso, le go tlhola gore ditebelopele tsa mafatshe a mangwe tsona tsa reng. Ka jalo, Tebelopele e, e supa dikeletso tsa sechaba sa rona ka botlalo, mme e tiisiwa ke bosupi jwa boitseanape, mo godimo ga dikakanyo tse di thothlilweng sentle tsa mo gae le tsa mafatshe a sele go betla isago ya rona.

## KGAOLO 2: GO THAA MOONO WA TEBELOPELE YA 2036

Mosepele wa rona go ya isagong o thaelwa mo, mme ebile o tla bopiwa ke, kafa re kgoneng go dira ditlhabololo tsa rona ka teng go tswa kwa morago le ke matshego a rona a sechaba, mmogo le tikologo ya ditlhabololo tsa mafatshefatshe e re direlang mo goyone. Tse di thatlhelela mananeo a a tla isang lefatshe la rona ko Tebelopeleng Ya 2036. Gape di thatlhelela motheo, maikemisetso le makaedi a re tla a dirisang go kala kगतelopele ya rona go ya dikeletsong tsa rona.

### MOONO WA MAFATSHEFATSHE

Seemo sa mafatshe-fatshe se fetoga ka bofefo, mme se itshupa ka ditlhabololo tse di sa tlhomamisegeng. Mo seemong se se ntseng jalo sa diphetogo tse dintsi tse di matswakabele go tlhokega ditsamaiso tse disha go dira ditlhabololo. Kakanyo e ncha ee lemogiwang lefatshe ka bophara, ke ya 'Tlhabololo tse di Tsepameng' e le ya go itebaganya le tiriso ya tse di tlhokegang gompieno mme go sa kgorelediwe tiriso ya tse di tla tlhokwang ke dikokomana mo isagong. Se se tlhokegang thata ke go lolamisa maitlamo a ditlhabololo tsa matshelo a batho, itsholelo le tikologo, mme fa go sa kgonegeng teng, go tsewe tshwetso go lebilwe seemo sa batho mo gae, sa sechaba le sa mafatshefatshe.

Metheo (frameworks) e mebedi ya ditlhabololo tsa mafatshefatshe, e e itebagantseng le 'Tlhabololo tse di Tsepameng' ke lenaneo la 2030, le la Tumulano e 'ntsha ya Paris la Phetogo ya Seemo sa Loapi', e e dumalanweng ka Morule wa 2015. Go diragadiwa ga metheo e, go tla fetola mebaraka ya mafatshe, tsa boranyane le ditsamaiso tsa itsholelo le matshelo a batho gore go kgonwe tse di tlhokwang ke batho, tikologo le itsholelo.

Lenaneo la moonoo wa mafatshe wa Tlhabololo tse di Tsepameng le ikaegile ka maikemisetso a matlhano a diphetogo tse mafatshe a tla di dirang mo dingwageng tse di lesome le botlhano tse di tlang: a ope a se tlogelwe kwa morago; a go remelelwe mo tlhabololong tse di tsepameng; go fetolwe itsholelo ya mafatshe go bula diphatlha tsa ditiro le kgolo e e akaret-sang; go bopiwe makalana a nang le kagiso le bokgoni, a a seng bohitha a na le boikarabelo; le tirisano le ba bangwe ba mafatshe-fatshe.

Tsamaiso ya itsholelo ya mafatshe le yone e a fetoga, mme bosheng e nnile le mathata mo e ileng ya thetheekela mo mebarakeng ya mafatshefatshe, go balelwa le mebaraka ya diteemane, tsone tse Botswana a beileng mo go tsone go di rekisetsa mafatshe a mangwe. Go nale lobelo lo logolo lo lo oketsegang lwa gore itsholelo e dirwe ka mekgwa e e sa kgotleleng tikologo, mo go tsenyang lentswana mo meamusong mengwe ya rona ya tlhologo, mme go digela tlase boleng jwa e mengwe. Mafatshefatshe a nna selo sele sengwe fela mme gape, dikitso le maranyane a tlhaeletsano le motsamao wa bodiredi le tsone di a gola. Ka jalo, e tla a re ka 2036, re bo re lomagantswe mo tsamaisong ya mafatshe-fatshe e e fetogang ka bofefo jo bogolo.

### MOONO WA KGAOLO YA AFRIKA

Matswakabele a ditlhabololo tsa kgaolo ya Afrika le one a tlaa ama isago ya itsholelo ya lefatshe la Botswana. Lengwe la mananeo a a tlaa amang isago ya kgaolo ya Afrika ke Lenaneo

la Afrika 2063, le maikaelelo a lone e leng Afrika yo o bopaganeng, yo o atlegileng a rena kagiso, a gogwa ke beng-gae e le megaka mo lenaneong le. Lenaneo le le inaakantse le lenaneo la mafatshe la Tlhabololo tse di Tsepameng.

Kgaolo ya borwa jwa Afrika e tshwaragane thata mo go tsa matshelo a batho, itsholelo le ngwao le gone ka meamuso ya tlhologo ee tshetsang batho, jaaka metsi, diphologolo le dikgwa. E re ka kgaolo eno e nale batho ba feta 250 million, e ka neela batho ba SADC mmaraka o o tlhokegang. Ka kgaolo eno e nale meamuso e mentsi ya tlhologo, e kgona go ngoka babeetsi mo mehameng ya madirelo a tsa tlhologo, bojanala le temo-thuo. Lefa go ntse jalo, mo nakong eno, kgaolo e e tshwarisitswe bothata ke go tlhela ga tsa kgotetso, metsi le dijo. Godimo ga mo, kgaolo e gape e nale dipalo tse di kwa godimo tsa batho ba ba nang le mogare wa segajaja (HIV/AIDS) go feta mafatshe otlhe.

Motheo o motona wa kgaolo o o gogang kwa tlhogong ditlhabololo tsa mafatshe a SADC ke Lenaneo la Tshupatsela la Ditlhabololo la Kgaolo (Regional Indicative Strategic Development Plan (RISDP)), le le tabogang go tswa 2015 go tswa 2020. Maikaelelo-magolo a lenaneo la RISDP ke go godisa tomagano le tirisano-mmogo mo kgaolong ka go fefosa nyeletso lehuma le tse dingwe. Lenaneo la RISDP le diretswe go betla tsele e e papametseng ya papadisano e e gololesegileng, go nna le mmaraka o le mongwe fela wa dithoto, tirisano ya ledi le le lengwe le tsamaiso e e kopanetsweng ya itsholelo. Ka bophara jwa kgang, lenaneo le la RISDP 2015-2020 le remeletse mo go repiseng dikgole tsa papadisano, itsholelo le ditlhabololo, go dira mafaratlhatlha a ditlhabololo mmogo, tirisano ya kagiso le itshireletso, le mananeo a mangwe mo go tsa thuto le go tlhabolola dikitso tsa badiri, botsogo, HIV/AIDS le malwetse a mangwe a a tshelanwang, gona le dijo tse di lekanyeng le meamuso ya tlhologo e e kgabaganyang melelwane, dipalo-palo, tlhabololo ya tekatekano ya bong, boitseanape, boranyane le tsa dipatlisiso le ditlhabololo tsa tsone.

## MOONO WA BOTSWANA

Tebelopele e, e tla jaana go sena go supega fa mehama e e farologanyeng e dirile ka botswapelo. Mo lobakeng lwa Tebelopele ya 2016, madi a itshetso tlhogo ya motho, a ne a oketsega gabedi go nna US\$7,058 ka 2014 a itshegeditse ka ditlhotlhwana tsa 2005, le fa gone selekanyo sa kgolo ya itsholelo (GDP) – se ne sa wela tlase go tswa kwa go 8.2% mo dingwageng tse di lesome pele ga 1996 go nna 5.3% mo dingwageng tse di lesome tsa paka ya bobedi ya Tebelopele ya 2016. Koketsego tseno di tsholeditse lefatshe la Botswana go nna lefatshe la itsholelo e e fa garenyana (lower middle) ka ngwaga wa 1987 le kwa godimo mme e santse ele fa gare (upper middle) ka 1991. Selekanyo sa lehuma se ne sa wela tlase fela thata, ka palo ya batho ba ba tsheleng mo lehumeng e ne ya fokotsega go tswa kwa go 47% ka 1993/94 go ya kwa go 19% ka ngwaga tsa 2009/10, fa lehuma la nta-a-tlhogo lone le ne la fokotsega thata go tswa 23.4% ka 2002/03 go ya kwa go 6.5% ka 2009/10. Lefatshe la Botswana le kgonne go beeletsana mo ditlamelong tsa tshireletso ya matshelo a batho (4.4% of GDP), botsogo (5.4% of GDP), le thuto (9.5% of GDP) mme ga thusa gore batho ba kgone go bona ditlamelo tsa matshelo le go di isediwa motlhofu.

Lefatshe la Botswana le ne la ntsha tlhogo mo seka-phadisanyong (rankings) gole gantsi mo Afrika mo dikaing tsa ditlhabololo: le ne la tsaya maemo a boraro mo mafatsheng a a mo



borwa jwa sekaka sa Sahara go ya ka sekao tsa tlhabololo batho tsa UNDP (UNDP Human Development Index) ka 2015, maemo a boraro ka sekale sa Mo Ibrahim mo go tsa tsamaiso puso mo Afrika ka 2014, maemo a bomasome a mabedi le boferabobedi mo mafatsheng a le 168 lefatshe ka bophara ka selekanyo sa tsa tshenyetso sechaba tsa lekgotla la Transparency International ka 2015 mme la nna la bomasome a mane le bongwe mo mafatsheng a le 180 go lebeletswe kgololesego ya bobega dikgang ka 2014. Le fa go ntle jalo, go nale matshwenyego a a bonalang a gore dilo dingwe di eme golo go le gongwe fela, bogolo jang tsa go direla dilo mo pontsheng go nale boikarabelo.

Lefatshe la rona le humile meamuso ya tlhologo, e e nnileng le seabe mo itshetsong ya batho le mo tlhologong ya itsholelo. Ka temogo ya seabe se, mmuso o sireleditse tikologo. Ke gone ka moo, mmuso o ketlotseng selekanyo sa lefatshe se se masome a mabedi le botlhano mo lekgolong (25%) go dirisiwa mo go tsa tshomarelo tikologo wa tlhopho le mafelo a le mabedi (kwa Makgobokgobong a Okavango le Tsodilo Hills) gonna mafelo a tshomarelo ngwao mo lefatsheng ka bophara. Dikitso tsa ngwao tsa go bopa dinkgwana ka letsopa di akareditswe ke mokwalo wa UNESCO wa dikitso tsa ngwao tsa tshireletso matlotlo a ngwao (UNESCO List of Intangible Cultural Heritage). Mo godimo ga moo, lefatshe leno le nale dipalo tse di kwa godimo tsa mefutafuta ya diphologolo, go balelwa le palo e e kwa godimo thata ya ditlou, lefatshe ka bophara.

Kwa ntle ga maiteko le tse di kgonnweng, lefatshe leno le santse le lebanwe ke dikgwetho bogolo jang kgothego ya mafudiso e e dirwang ke bontsi-phetelwa jwa dipalo tse di kwa godimo tsa loruo le ditlou. Lefatshe leno gape le nyelelelwa ke dikgwa ka selekanyo sa bongwe mo lekgolong (1%) ka ngwaga. Go feta mo, go nale bogodu jwa matlotlo a tlhologo ka benggae le batswakwa. Nngwe ya dikgwetho tse di tlhokang tharabololo e e matsetseleko ke kgotlhang e e atileng fa gare ga batho le diphologolo. Metswedi ya rona ya metsi le yone ea kgaritlhega, mme re beile fela mo metsing a a epiwang, a a nosang batho ka selekanyo sa masome a marataro go ya go masome a ferabobedi mo lekgolong (60%-80%) mo go a re a tlhokang. Bontsi jwa kgotetso (95%) e re e tlhokang e tsewa mo magaleng, e ntswa go nale marang a letsatsi gongwe le gongwe a a ka bong a dirisiwa go fetlha motlakase wa marang a letsatsi.

Gape, lefatshe la rona gale a dira sentle mo mehameng mengwe e le mmalwa. Itsholelo ya rona e itshwareletse thata ka meamuso ya rona e e nonofileng ya tlhologo. Ditswammung, bogolo jang diteemane, di dirile 24% ya selekanyo sa itsholelo (GDP) ka 2014, bojanala 3.2% ka 2014, fa temo-thuo yone, e dirile 2%. Lefa seabe sa yone sele kwa tlase, temo-thuo e santse e le yone motswedi wa konokono wa matshelo a sechaba. Seabe sa mhama wa ditirelo (39.4% ka 2014), se ntle se amana thata le mhama wa ditswammung le mmuso. Ditswammung di tsenya selekanyo sa bongwe mo borarong (1/3) mo sekgwameng sa mmuso. Mo gotlhe mo go supa gore lefatshe la rona le ka tshabelelwa ke dihawa fa mhama wa ditswammung o ka tsenwa ke mhoholela, segolo bogolo go wela tlase ga ditlhwatlhwa tsa diteemane.

Le fa selekanyo sa kgolo ya lehuma se wetse tlase thata, selekanyo sa lehuma se santse se le kwa godimo mo lefatsheng la itsholelo e e kwa godimo fa gare (upper middle). Lehuma le atile thata mo dikgaolong, selekanyo sa kgolo mo mafelong a mangwe se tsamaya mo go

46%, ebile le itshupa thata mo malwapeng a a eteletsweng pele ke bomme, le le kwa godimo thata mo baneng. Go tlhoka tekatekano ya madi ka sekale sa Gini Coefficient, go sale kwa godimo, ka palo ya 0.61 ka 2009/10. Se sengwe lefatshe leno le tshwenngwa ke tseno e e bofefo ya HIV/AIDS, bogolo jang mo bananeng, mo go oketsa selekanyo sa malwetse a a sa tshelwaneng, le matshwenyego a botlhoka-tsebe jaaka tiriso botlhaswa ya ditagi, kgokgontsho mo malwapeng, boganana, tshotlo ya bana, go inyadisa, petelelo le tse dingwe. Lefatshe leno gape le lebaganye le selekanyo sese kwa godimo sa letlhoko la ditiro (20%), bogolo jang mo bananeng. Go tlhoka tiro ga banana go dirwa ke gore dikitso tse ba di bonang mo mhameng wa thuto ga di nyalane le se se tlhokwang ke mmaraaka wa ditiro. Go tlhoka nyalano e, go dirile gore go nne le boitseanape jo bo fetang ditiro tse di mmarakeng, go bo go helela go nale dialogane tse dintsi tse di tlhokang ditiro, le ntswa dikitso tse dingwe di tlokega.

Lefatshe la rona la Botswana ga lea dira sentle mo go gaisanyeng, bogolo jang go gaisanya le mafatshe a mangwe a itsholelo e e lekanang le ya lone. Pego ya phadisano ya mafatshe (Global Competitiveness Report) e supa fa lefatshe leno le wetse kwa maemong a bo71 ka 2015/16 go tswa kwa go 56 ka 2008/9. Le fa ntswa lefatshe leno le dirile sentle ka tshoboko-kgolo ya itsholelo, ga lea dira sentle mo go tse dingwe, segolo bogolo mo ditirong tsa megopolo e mesha go ya pele, selekanyo sa mebaraka, go nna malala- a-laotswe ka tsa boranyane, boitseanape jwa kgwebo, dithuto tse di kwa godimo le thutelo ditiro.

Lefatshe leno gape ga lea dira sentle go tlhohofatsa go dirwa ga dikgwebo mono, pego e e kalang mafatshe ya Banka ya Mafatshefatshe (World Bank Ease of Doing Business Report) e beile lefatshe leno mo maemong a bo72 mo mafatsheng a le 189 ka 2016, go tswa kwa go 38 ka 2009. Boitseme, madiadia a puso, go thatafelelwa ke go adima madi le melawana ya tsa pereko le khiri e e tswalang tswelole-pele, le didirisiwa tsa ditlhabololo tse di sa kgotsofatseng, ke tsone dilo tse dikgolo tse di kgoreletsang go dira kgwebo ka phuthologo.

Re lebanwe gape ke kgwetlho ya go go isa ditirelo kwa setshabeng, bonya go diragatsa ditiro tse dikgolo tsa ditlhabololo tsa puso, go felela ditiro tsa ditlhabololo e nna tsa sogwa-sogwane le maemo a ditlhabololo a kwa tlase. Go palelwa ke go diragatsa sentle ditiro tse dikgolo tsa puso, go senya madi a le mantsi, go bo go felela ditlhwatlhwa di godile phetelela, dingwe tsa ditirelo di be di phuagangwa. Mo gottlhe go felela batho ba sa bone ditirelo jaaka go tshwanetse, diterelo di tshwana mananeo a itshetso ya go sireletsa sechaba le ditirelo tsa botsogo. Ka jalo, batho ba felela ba beile sengwe le sengwe mo pusong, ka jaana ba ba amegang ba sa inoge mo mananeong a dithuso.

## SE E LENG THUTO GOTSWA MO TEBELOPELENG YA 2016

Tebelopele ya 2036 e agetswe mo go se se ithutilweng go tswa Tebelopele ya 2016, e e leng maitibolo a rona, e nale maikaelelelo a go atlegisa itsholelo ka dipilara di supa tse di neng di thalosa ditoro le dikeletso tsa rona re le sechaba. Tshekatsheko ya kafa Tebelopele ya 2016 e dirileng ka teng, e supa maduo a a kabakanyeng. Thuto e kgolo go tswa Tebelopeleng ya 2016 ke gore go tlokega tsamaiso ya bodiredi e e nonofileng e e tla diragatsang mananeo a a tla a gorosang lefatshe kwa tebelopeleng ya sechaba. Thuto e nngwe ya botlhokwa ke gore bokgoni jwa go baya leitlho le go sekaseka bo tshwanetse go nna teng fela fa di tloga,

go akarediwa le dikai tsa mosepele wa tiro (indicators), le didirisiwa tsothe tsa peo-leitlho le tshekatsheko. Mo godimo ga moo, ditogamaano tsothe tsa ditlhabololo, segolo bogolo Mananeo a Ditogamaano tsa Ditlhabololo tsa Sechaba (National Development Plans) a tshwanetse go nyalanngwa le tebelopele ya sechaba gore e kgone go atlega. Go atlega ga tebelopele ya sechaba go tlama puso, mhama o o ikemetseng ka nosi, makgotla a sechaba le batho ka bongwe ka bongwe go ema ka dinao.

## MATSHEGO A SECHABA

Tebelopele ya 2036 e itsetsepitse ka matshego a le matlhano a sechaba, e leng puso ya batho ka batho, ditlhabolo, boipelego, tshwaragano le botho, tse di supileng se Botswana e leng sone go tloga ka boipuso.

- **Puso ya batho ka batho** - rona re e tlhaganya e raya gore rotlhe re tla a nna le seabe mo go tlhabololeng matshelo a rona bongwe ka bongwe, re akaretsa boitekanelo le tlhabologo ya lefatshe la rona.
- **Ditlhabologo** - e raya gore lefatshe la rona le tlaa ikgolola mo lehumeng la ntaa tlhogo le go tlhoka tekatekano. Se se raya tlhabololo ya itsholelo le matshelo a batho.
- **Boipelego** - bo raya go ikaega ka maiteko a rona le go a dirisa go aga Botswana ka ha re eletsang a tlhabologa ka teng.
- **Popagano** - e raya temogo ya rona gore re sechaba se se bopilweng ka merafe le batho ba ba farologanyeng, re eme ka megopolo ya sepolotiki le ditumelo tse di farologanyeng, tse e leng yone tlhale e e lomaganyang diikokotlelo tsa rona tsa sechaba.
- **Botho** - bo tlhalosa motho yo o aggileng sentle, yo o maitseo, a na le neelano, a sugilwe, a le boikgapho ka bo ene le go tshidisanya le bangwe-kaene.

## KGWETHLO KGOLO: GO FALOLA GO NNA LEFATSHE LA ITSHOLELO E E FA GARE

Sechaba sa Botswana sa 2036 se tshwanetse go nna pharologanyo fela thata. Batswana ba tshwanetse go bo ba tswetsetse pele e bile ba lomaganye thata le ditshaba tse dingwe. Mo nakong eno, lefatshe la Botswana ke lefatshe la itsholelo e e fa gare, e le katlego e e fitlheletsweng ka dingwaga tsa bo1990. Re eletsang gore mo lobakeng lwa Tebelopele 2036, re tlatlogele godimo thata. Se ga sena go nna motlhofo go lebilwe dikgwethlo tse di kgabagangwang go fitlha kwa mankalekaleng. Go setse go agilwe mo go ka diragatsang phetogo e re e eletsang. Go itshetlela ga itsholelo ya rona ka kakaretso le mananeo-tsamaiso le melawana a botswa-pelo di re baya mo seemong sa go ikolopela kgakala.

Go tlatlogela kwa tswelapeleng e e kwa godimo go re tlhoka go itshekatsheka le go gatlamela-masisi reya pele. Re tshwanetse go baakanya seemo go kgona phetogo e kgolo e. Re tshwanetse ra tsaya dikgato ka maikaelelo a go fetola gotlhelele mोगwa wa tsamaiso itsholelo wa nako eno, go tswa mo kgolong e e beileng mo meamusong ya tlhologo, mme re ye ko go e e beileng mo bodireding jwa tlhwatlhwa, megopolo e mesha ya go isa pele le phadisanyo

## KGAOLO 3: DIPILARA TSA TEBELOPELE YA RONA

Tsamaiso ya lefatshe la Botswana mo go tsa itsholelo, matshele a batho, tsa tikologo le tsamaiso puso di logaganye mme di tlhalosa dipilara tsa tebelopele ya rona. Go kgweetsa le go lomaganya dipilara tse go ya kwa magorogelong, go botlhokwa gore go nne le tekatekanyo e e faphegileng e e dirisang tsepamo le phetogo e le leitlho le tselo ya gore isa kwa isagong e re e batlang.

### PILARA YA NTLHA (1): TLHABOLOLO YA ITSHOLELO E E TSEPAMENG

**E tlaa re ka 2036, Botswana e bo e le lefatshe la itsholelo ee kwa godimo, e eteleditse pele kgwebo ya dithoto le mafatshe a sele, mme e ikaegile ka kgolo e tswakaneng, e akereditse botlhe, e bile e tsamaisiwa ke bodiredi jo bo tlhaga jwa maemo a a kwa godimo.**

E re ka mmara wa rona o le monnye, re tla leba thata kwa ntle, jalo mmara wa rona e tlabo e le mafatshe a sele. Itsholelo ya lefatshe la Botswana e tla a tswakanngwa e eteletswe pele ke mhama oo ikemetseng ka nosi, ka go bula diphatlha tsa sennelaruri. Fa lefatshe la rona le le teng mo mmepeng wa lefatshe mmogo le maranyane a a kwa godimo a dikitsiso le ditlhaeletsano di tla re kgonisa go bapadisana ka bophara le mafatshe a kgaolo eno ya Afrika le mafatshe fatshe.

Itsholelo ya rona e tla tsabakela, e nale botshelo, e beile mo megopolong e mesha e e nang le dikitso-kitso, mme ebile e na le bodiredi jwa tlhwatlhwa jo bo ka phadisanyang mo mafatshing ka bophara, ka dikitso tsa tlhwatlhwa tsa boranyane le mafaratlhatlha le dirisiwa. Seemo se seleng teng gompiano, se tla a bulela babeetsi ba mogae le ba mafatshe a sele sebaka sa go dira le go akola khumo go ya goileng. Re tla a dira dithoto le diterelo tse di tla a phadisanyang le tsa mafatshe a sele, tse di tla a rekwang mono gae le kwa mebarakeng ya mafatshe a sele. Dikgwebo ga di na go kgorelediwa ke melawana e e sa tlhokegeng le madiadia a tsamaiso.

### ITSHOLELO E E IKAEGILENG KA KITSO

Tiriso ya boitseanape, boranyane le dikitso-kitso go kgoromeletsa itsholelo kwa mankaleng-kaleng go botlhokwa gore ditlhabololo tsa matshele le itsholelo a batho di kgonege. Mafatshe a sologelwa molemo fela thata ke go iphetlhela, go tsaya, le go anywa mo go babangwe boranyane le dikitso-kitso tse dintsha go isa itsholelo kwa mankalengkaleng. Botlhokwa jwa tikologo e e kgonthatsang go dira se amana le tsamaiso, makalana a ditiro, melao le melawana go tsamaisa itsholelo ka dikitso, ga bo tlhoke go buiwa gantsintsi. Sekai, go botlhokwa fela thata go sireletsa le go dibela ditlhamo tsa beng go rotloetsa dipatlisiso le ditlhabololo tsa dikitso-kitso, le go bapala ka tsone.

**Lefatshe la Botswana e tla a nna la itsholelo e e ikaegileng dikitso-kitso.** Re tla a rotloetsa tiriso ya tsa boitseanape, boranyane le dikitso-kitso mo mehameng ya matshele a batho, itsholelo le kgwebo go nonotsha dipoelo tsa bothakga. Ditsamaiso tsa thuto, ithutelo ditiro le tlhabololo dikitso tsa rona di tla a tlhabololwa go amogela tsa dikitso tsa boitseanape, boranyane le dikitso-kitso tse di ntsha. Se se tla engwa nokeng ke ditsamaiso tse di lebanyeng go rotloetsa batho gore ba gwebe ka tse di tswang mo dipatlisisong, le go sireletsa le go dibela ditlhamo le dikitso tsa tlhologo tsa benggae. Go tla a tlhomamisiwa gore go nna le ditsamaiso le ditsompelo tse di lekanyeng go rotloetsa le go ema nokeng dipatlisiso le ditlhabololo e le tsone pinagare ya bothakga le go dira dithoto le ditirelo tsa boleng jo bo kwa godimo tse di

ka phadisanang. Re tla a dira tikologo e e bonolo go logetsa mowa wa bogwebi mo bathong ba banana.

## **LETLOTLO LA BODIREDI**

Bodiredi jwa tlhwatlhwa bo botlhokwa thata mo tlabolong ya itsholelo. Go beeletsa mo go jone go ka thusa go alosa badiri ba ba ka gogang mehama e e farologanyeng go godisa itsholelo. Bodiredi jo bo tlhaga bo nale bokgoni jwa phadisanyo bo kgonisa mo go direng mehama e mesha ya go godisa itsholelo. Bodiredi jwa mo gae jo bo lomaganyeng le mebaraka ya ditiro ya mafatshe-fatshe, bo rotloetsa bothakga, phadisanyo le go abelana dikitso. Melao le melawana ya tsa mesepele e e nang le boleng e botlhokwa mo go rotloetseng go goroga ga badiri ba ba nang le boitseanape jo bo tlhokegang le babeletsis mo lefatshe leno. Go tswela kwa ntle ga badiri ba mo gae ba ba nang le boitseanape, go nale seabe mo go lwantsheng letlhoko le le kwa godimo la ditiro, segolo jang mo bananeng.

**Lefatshe la rona le tlaa bo le tlabotse badiri ba ba ka phadisanang le ba mafatshe a sele, ba le dinatla, botlhale gape ba na le maitemogelo a tse ba di ithutileng kwa mafatsheng a sele.** Itsholelo e tlabo e humile dikitso-kitso tse di phadisanang di lebane, go thusa batho go dira tiro mono gae le kwa ntle. Re tla a nna le mafelo le ditomagano le ba bangwe go dira letlotlo la bodiredi jwa tlhwatlhwa jo bo ka phadisanang le ba mafatshe a mangwe. Go obega ga dithulaganyo tsa rona tsa go rutela batho ditiro go tla thusa itsholelo ya rona go senka metswedi e mesha ya go hetlha khumo. Lefatshe la Botswana le tla a lomelwa mo mebarakeng ya tiro ya mafatshefatshe, go raya gore Botswana ba ka dira kwa mafatsheng a mangwe, le batswakwa le bone ba ka tla go direla le go beeletsa mo Botswana. Melao le melawana ya rona le ditsamaiso tsa mesepele le boagedi tsa rona, di tla a sekasekwa go amogela badiri ba ba batswakwa ba ba nang le dikitso le maitemogelo mo fatsheng leno. Gape, go tla dirwa mananeo a a tla rotloetsang badiri ba gae go ya majako kwa ntle go sola molemo diphatlha tsa pereko mo mebarakeng ya ditiro tsa mafatshe.

## **KGWEBO LE PHADISANYO**

Go dira kgwebo ka tshosologo le go phadisanya le mafatshe a mangwe go botlhokwa thata mo go okeng dipeeletso tsa kgwebo le go ipolokela madi ke benggae ka tsholofelo ya go bona dipolelo

**Lefatshe la Botswana le tla kgatlhisa bagwebi go tla go beeletsa mo go lone.** Re tla dira ditsamaiso tsa go dira kgwebo tse di okang babeletsis ka go dira melawana le mafaratlhatlha a a thusang le bodiredi jo bo tlhwatlhwa. Re tla bulela itsholelo ya rona le lefatshe la rona go mafatshe otlhe le go tsena ga botsipa le boitseanape jwa mafatshefatshe, le go dira gore babeletsis ba mafatshe a sele ba ikutlwe ba amogelesegile mo lefatsheng la rona. Re tla amogela babeletsis ba ba tswang kwantle ba ba eletsang go dira kgwebo le go nna mo Botswana.

## **TLHABOLOLO YA MAFARATLHATLHA A DIDIRISIWA**

Mafaratlhatlha a didirisiwa a botlhokwa thata mo peong ya ditiro tsa itsholelo, ebile a nale seabe mo tekatekanyong ya itsholelo e e tsepameng mo gae, mo kgaolong ya Afrika le mo

mafatshefatsheng. A tlhotlheletsa peeletso mo mehameng yotlhe ya itsholelo.

**Lefatshe la Botswana le tla nna le mafaratlhatlha a seemo se se kwa godimo go godisa tswakanyo-itsholelo le kgwebo ya mafatshe a sele.** Re tla aga mafaratlhatlha a maemo a ntsha go rotloetsa go tswakanya itsholelo le go bula diphatlha tsa go bapadisanya le mafatshe a sele.

## **MHAMA WA DIKGWEBO TSE DI MO MEKGWATHLENG, LE TSE DI POTLANA**

Mhama wa dikgwebo tse di mo mekgwathheng, tse bontsi jwa tsone bo direlang mo malwapeng mme di le di potlana ka popego, go lemosegile fa di na le seabe se se tona mo itsholelong ya mafatshe mangwe. Fa dikgwebo tsa go nna jalo di engwa nokeng go tlhabolola bodiredi jwa tsone, di ntshiwa mo mekgwathheng di thusiwa go dira kafa molaang, seabe sa tsone mo ditlhabololong tsa itsholelo se ka tsholetsega.

**Lefatshe la Botswana le tla nna le mhama o o tiileng wa dikgwebo tse di dipotlana, o o nang le seabe sa popota mo go tshameng ditiro le go tlhabolola matshelo a batho.** Go tla dirwa di dirisiwa le ditsamaiso tse di tshoegang go rotloetsa badiri ba mhama o go ithulaganya le go tswa mo mekgwathheng. Dikgato tsa melao le melawana ya go ithulaganya sentle, go balelwa tuelo ya lekgetho, di tla a baakangwa go imolola dikgwebo tse. Ditsamaiso tse di tlhokwang di tla dirwa go phutha le go kanoka dikitso mo ditirong tsa dikgwebo tsa mhama o, le seabe sa tsone, gore go dirwe mananeo, melawana, dithulaganyo le melao e e ka di thusang.

## **MHAMA WA DITSWAMMUNG**

Mhama wa ditswammung o o eteletsweng ke diteemane o botlhokwa thata mo itsholelong ya rona. Ke one motswedi mogolo wa sekgwama sa puso, peeletso ya mafatshe a sele le papadi ya ledi la rona go tswa kwa ntle.

**Re tla nna le mhama o o itshetletseng, o o matlhagatlhaga, o o kabakanyeng wa ditswammung o lometswe mo mehameng e mengwe ya itsholelo.** Re tla epa ditswammung le go di tlhotlha mo gae ka fa go kgonegang ka teng le go dirisa tsothle tse di amanang le tsone. Re tla tswelela ka go dira tsothle go tlhabolola matshelo a batho le itsholelo mo mafelong a meepo morago ga tswalo ya meepo ya go nna jalo. Go tla dirisiwa boranyane go tokafatsa bothakga le phadisanyo mo kepong le mo tirong ya go tlhotlhela mo gae.

## **MHAMA WA TEMO-THUO**

Bontsi jwa batho ba rona ba nna kwa dikgaolong, kwa temo-thuo e dirwang teng. Fa mhama o o ka rotloediwa, le maduo le phadisanyo tsa okediwa, go ka tshegetsatshe matshelo a batho ka go ntsha dijo le go tlhama ditiro. Temo-thuo gape e ka kgona go bapalela puso madi le kamogelo go tswa mo thekisingo dithoto kwantle.

**Lefatshe la rona le tla nna le mhama wa temo-thuo o o nonofileng, o tsamaisiwa ka maranyane, ebile o tsenya madi ka kgwebo.** Re tla tlhama mhama wa temo-thuo o o se nang

malwetse, o o solang molemo tiriso ya lefatshe (le ditlamelo tse dingwe), o dirisa boranyane le mekgwa ya sesha ya temo-thuo go tokafatsa maduo. Re tla rotloetsa go tlhama tse di eteletsweng pele ke madirelo a a ikemetseng ka nosi go dira madirelo mo mhameng wa temo-thuo go tsenya tsa go dira dithoto, go di atolosa, go di bapatsa le go di phatlalatsa.

## **MHAMA WA MADIRELO A DITHOTO**

Mhama wa rona wa madirelo- dithoto o ka kgona go oketsa thata itsholelo ya lefatshe ka go oka peeletso, mo gape go ka bulang diphatlha tsa ditiro tsa sennelaruri.

**Mhama wa rona wa madirelo-dithoto o tla dira dithoto tse di busetsang, tsa boleng jo bo kwa godimo go ka romelwa kwa mebarakeng ya mafatshe a sele.** Re tla tlhabolola re be re ananya bodiredi jo bo nang le dikitsokitso, jo bo dirisang boranyane jo bo maleba go oketsa boleng jwa meamusu ya tlhologo le dithoto tse di tswang kwa ntle le go dira tse dingwe tsa tlhwatlhwa go rekisa kwa mebarakeng ya mafatshe a sele.

## **MHAMA WA BOJANALA**

Madirelo a bojanala ke mangwe a a nang le seabe se se tona mo kgolong ya itsholelo, ka-bakanyo le tlhamo ditiro. Bojanala jwa rona mo nakong eno, bo ikaegile thata ka diphologolo tsa naga.

**Madirelo a bojanala a tla a tswakanngwa go godisa itsholelo le go bulela merafe e e mo mafelong a bojanala diphatlha tsa ditiro.** Re tla tlhabolola madirelo a bojanala a a tswakanyeng ebile a farologanye go sola molemo ka botlalo bontsi jwa diphologolo tsa naga, mafelo a dintlenyane tsatlhologo le peo ya lefatshe leno mo lobopong. Mo go tla re fa se-baka sa go aga mafelo a go tshwara diphuthego, dikokoano le mediro (Meetings, Incentives, Conferences and Events - MICE), le go akaretsa bojanala jwa metshameko le jwa bopelok-gale jalo jalo. Ditsatlhologo tsa lefatshe leno tse di bokowa di tla sirelediwa ka mananeo a a itshetletseng, mme banni ba mafelo a bojanala ba tla nonotshiwa go tsaya karolo le go akola bojanala.

## **MHAMA WA DITIRELO**

Mehama ya ditirelo e setse e na le seabe se se tona mo kgolong ya itsholelo le go tlhama ditiro, ebile e thusa mehama e mengwe go nontsha seabe sa yone mo itsholelong. Kgwetlho e kgolo ke go godisa seabe sa ditirelo mo dithotong tse di rekisiwang kwa ntle ga lefatshe leno.

**Seabe sa mehama ya ditirelo mo itsholelong ya lefatshe, mo ditirong le mo thekisong ya dithotho kwa mafatsheng a sele, se tlaa okediwa go tokafatsa maiteko a go tswakanya.** Ditirelo tsa rona di tla tlhabololwa go phadisanya le go ka rekisiwa kwa mafatsheng a sele. Go tla remelelwa thata mo maranyaneng a dikitsiso le dithaeletsanyo, ditirelo tsa madi le dikgwebo le dipagamo le ditirelo tsa mesepele ya dithoto.

## **MARANYANE A DIKITSISO LE DITLHAELETSANYO**

Mo itsholelong ya gompieno, mhama wa maranyane a dikitsiso le ditlhaelotsanyo o nale seabe se se tona mo itsholelong. Gape mhama o, o bothokwa thata go kgonisa kanamiso ya dithoto le ditirelo mo mehameng yotlhe ya itsholelo go balelwa le go isa ditirelo tsa puso kwa bathong.

**Re tla dirisa mhama wa maranyane a dikitsiso le ditlhaeletsano go nna pinagare ya go godisa itsholelo le go tlhama ditiro re ntse re re eteetsa go nonotshiwa ga makalana aa ikemetseng le bodirela puso.** Go tlaa dirwa seemo se se kgonisang, go balelwa le maranyane a sesha, le melawana ya tsamaiso gore go tlhamiwe mhama o o ikemetseng ka nosi, o gogwa ke maranyane a dikitsiso le ditlhaeletsano.

## **DITIRELO TSA MADI LE KGWEBO**

Lefatshe la Botswana le supile fa le nale mhama wa ditirelo tsa madi le kgwebo o o nonofileng, oo golang ka bofefo, o o itsetsepetseng o o ikaegileng ka melao le ditsamaiso tsemi nonofileng. Ditirelo tsa madi le kgwebo di ka kgona go bula diphatlha tsa ditiro le go dira madi go tswa mo thekising ya dithoto kwantle.

**Lefatshe la Botswana le tla dirisa bokgoni jwa ditirelo tse di teng tsa madi go tsena mo diphatlheng tsa peeletso tse di bulegang le go fetlha khumo ka go bapaletsa mafatshe a mangwe ditirelo tsa rona tsa madi.** Re tla tswakanya dithoto tsa ditirelo tsa madi le kgwebo, go di tlhabolola go di isa kwa sekaleng sa mafatshe le go rotloetsa thekiso ya dithoto kwantle.

## **DIPAGAMO LE DITHULAGANYO TSA DITIRELO**

Dipagamo le dithulaganyo tsa ditirelo di bothokwa mo itsholelong go thusa mo metsamao ya batho, dithoto le ditirelo.

**Lefatshe la rona le tla a dirwa tsela e kgolo ya kgaolo ya Afrika go fetisa le go golaganya batho, dithoto le ditirelo le mafatshe a mangwe a sele.** Re tla tlhomamisa gore lefatshe la rona le lomaganye ka itsholelo le mafatshe a kgaolo ya Afrika le a mangwe a sele, ka go tsenya letsogo ga mhama oo ikemetseng ka nosi mo tlhabololong ya mafaratlhatlha a dipagamo tsa rona.

## **MADIRELO A BOTAKI LE BODIRAGATSI**

Madirelo a rona a botaki le bodiragatsi ke gone a fathogang mme a ka kgona go bula diphatlha tsa ditiro, go tswakanya itsholelo le go bapalela lefatshe leno madi a mafatshe a sele.

**Madirelo a rona a botaki le bodiragatsi a tla godisiwa, ka dithoto tsemi phuthetsweng sentle go ya mo mebarakeng ya mo gae, kgaolo ya Afrika le lefatshe ka bophara.** Re tla dira mafaratlhatlha a didirisiwa le ditlamelo tsa seemo sa dinaledi. Se se akaretsa makalana, melao le melawana e e sireletsang le go ema nokeng tlhamo ya madirelo a botaki le bodiragatsi.



## MHAMA WA METSHAMEKO

Metshameko ke mhama o o ka kgonang go nna le seabe mo itsholelong mme o ka dirisiwa go tsholeletsa boleng le go rotloetsa popagano ya lefatshe.

**Re tla nna le madirelo a metshameko a a ipelegang, a a alosang batshameki ba tlhvatlha ba ba ka phadisanang le ba bangwe lefatshe ka bophara.** Re tla a fetola metshameko go nna papadi le go nna kgwebo e nale seabe mo itsholelong. Ditiro tsa rona tsa metshameko di tla lomaganngwa le ditiro tsa mehama e mengwe e tshwana le dipagamo, mesepele le bojanala go golaganya boleng jwa dipoelo tsa kgolagano e o.

## PILARA YA BOBEDI (2): TLHABOLOLO YA BATHO LE MATSHELO A BONE

**E tlare ka ngwaga ya 2036 Botswana e be ele lefatshe la batho ba boitshwaro bontle, ba tshedisanya le ba bangwe sentle, ba amogela merafe e mengwe ka atla tsoopedi le kgona go neela abelana diphatlha tsa go itshetsa.** Batho botlhe mo setshabeng ba tla nna le seabe go tlabolola motho yo mongwe le go aga malwapa, morafe le sechaba ka bophara. Sechaba se tlaa rotloetsa go bulelana diphatlha tsa botshelo ka go lekana le go tlohamisisa gore tsewelelopele e akolwa ke mongwe le mongwe ka go dira ga bone ka botlalo, go sena ope yo o tlogetsweng kwa morago. Mo godimo ga moo, sechaba se tla seke se akole boitekanelo mo go tsa itsholelo fela mme le mo sepolotiking, ngwao, madi le jwa semoya. Batho ba ba itekanetseng ba nale seabe se se botlhokwa thata mo go tliseng boitumelo le botlhaga mo ditirong. Botho e tla nna pinagare e e tsenyang matshelo a rona mo isagong.

### BOITEKANELO JWA SEMOYA

Tumelo ke motheo o sechaba se agelang mo go one boitshwaro le botho, go tlabolola matshelo le popagano ya sechaba.

**Batswana ba tla nna le boitshwaro jo bontle ba tshedisanya sentle, go sa kgathalesege gore o mong, gore o dingwaga di kae, gore o nna kae, gore o wa tumelo efe, gore o wa letso lefe, gore a o monna kgotsa mosadi, gore a o wa bogole bofe, gore o bua puo efe kgotsa gore a o wa sepolotiki sefe.** Kgolololesego ya kobamelo e tla tsewela e sireleditswe go rotloetsa batho go tshela mmogo ka kagiso le kgolagano ka semorafe sa bone. Botho e tla nna seikokotlelo sa matshelo a rona. Mo go tsedingwe, makgotla a sedumedi a tla nna le seabe se se bonalang mo go betleng boitshwaro ja rona re le sechaba.

### NGWAO

Ngwao ke tshoboko ya boitshwaro, mekgwa ya setso le puo tse di faphegileng, mme di kgona go fetoga mme ebile di ka seke tsa emisediwa ka sepe. Ngwao e botlhokwa thata mo go ageng le mo go tliseng popagano ya setšhaba.

**Batswana ba tlaa lemogwa ka boswa jwa ngwao ya bone le se baleng sone.** Botswana o tla tsewedisa go nonotsha makalana a a rotloetsang ngwao le ditso tsa yone gore re tle re kgone maikaelelo a rona a go neela mongwe le mongwe sebaka mo botshelong go sena yo

o salelang kwa morago. Ngwao ya Botswana e tla fa merafe ya rona sebaka sa go tshela ka tshosologo ba diragatsa le go ipelela ngwao ya bone. Re tla somarela re rotloetsa matlotlo a ngwao ya rona ka go dira dipatlisiso tse di tseneletseng le go di kwala.

## **MOTHEO O O NONOFIENG WA LELWAPA**

Lelwapa ke motheo wa sechaba mme ka jalo le tshwanetse go nonotshiwa go tlhomamisa kago ya sechaba e e nonofileng. Ke gone fa botshelo bo simologang teng, kwa bo nosediwang teng, kwa go bopiwang boitshwaro bontle teng. Lelwapa gape ke pinagare, ya tshisibalo ya itsholelo ya botshelo jwa motse, morafe le sechaba ka kakaretso.

**Sechaba sa Botswana se tla nna le malwapa a a nonofileng le mekgwa ee alosang batho ba ba nang le boikarabelo.** Lenyalo le tlaa rotloediwa mme botsadi bo tlaa nna le seabe se segolo mo go godiseng bana ba bone, go tlhomamisiwa ditshwanelo le maikarabelo a bone. Boitshwaro jo ja rona jo bo tswang Goo Lowe jo bo agang lelwapa, bo tla a rotloediwa go tlhomamisa gore ga a nyelediwe ke diphetogo tse di diragalang mo lefatsheng.

## **BOTSOGO LE BOITEKANELO**

Botsogo jo bo siameng le boitekanelo ke ditshwanelo tsa konokono tsa setho tse di botlhokwa thata mo ditlhabolong. Le fa go ntse jalo, lefatshe la Botswana le lebaganye le kgwetlho ya mekgwa ya matshelo a a fetogang le malwetse a a sa tshelanweng. Gape le tswelela ka go imelwa ke malwetse a a tshelanwang jaaka HIV le AIDS, kgotlholo e tona le Malaria. Ka jalo, ke boikarabelo jwa puso go tlhomamisa gore mongwe le mongwe o bona ditlamelo le ditirelo tsa botsogo tsa maemo a a kwa godimo, le gore batho ba tshele ka boitekanelo.

**Batswana ba tla nna le botshelo jo bolelele jo bo itekanetseng.** Re tlaa tlhama ditirelo tsa botsogo tsa maemo a a kwa godimo mo lefatsheng ka bophara di tsamisiwa ke boranyane jo bo kwa godimo le mekgwa e mesha ya go neela batho ditlamelo tsa botsogo. Botswana o tla be a fokoditse thata selekanyo sa HIV le AIDS, ka go tlhomamisa thibelo le kalafi ya mogare, tlhokomelo ya ba ba lwalang le gonna seikokotlelo sa bone. Go tlaa fokodiwa go nna teng ga malwetse a a sa tshelanweng ka ditsela tse di farologanyeng tse di lemogang seabe le boikarabelo jwa motho le ba makgotlana ka go farologana.

## **KAKARETSO YA BATHO BOTLHE LE TEKATEKANO**

Go akaretsa botlhe mo setshabeng go botlhokwa thata mo go fediseng lehuma le go rotloetsa go kgaogana khumo le go tlhomamisa gore bahumanegi le ba ba kgaphetsweng kwa thoko ba neelwa bokgoni , gore ba sole molemo diphatlha tse ba di bulelwang. Batho ba tshwanetse go tlatlhelwa gore ba nne le lentse mo ditshwetsong tse di amang matshelo a bone. Batho ba rona ba tla tsena ka go lekalekana ba akola dikitsiso, mebaraka, ditirelo, sepolotiki, matshelo le mafelo.

**Batho ba ba kgaphetsweng kwa thoko ba tla neelwa dithata tsa go tsenya letsogo ka botlalo mo ditlhabolong tsa lefatshe.** Lefatshe la Botswana le tla bula diphatlha tsa meberekho e e nayang seriti, mananeo a motia a ditlamelo tsa matshelo le mananeo a go itshetsa

ka go akaretsa botlhe. Ga go na ope yo o tla a bewang ka ha mosing ka ntata ya bong jwa gagwe, dingwaga kgotsa gore ke mang. Bahumanegi ba tla a newa sebaka sa go itirela ka diatla tsa bone.

**Banalebogole le bagodi ba tla fiwa ditlamelo le go bulelwa diphatlha tsa botshelo le itsholelo ka go lekana le mongwe le mongwe.** Banalebogole le bagodi ba tla newa bokgoni go bona ditirelo le ditlamelo tsa matshelo le itsшетso ka go lekana fela jaaka di akolwa ke Batswana botlhe. Go tla kanokiwa mananeo, dithulaganyo le melao (go balelwa di dirisiwa) gore dikeletso le ditlhokego tsa banalebogole le bagodi di tsewe tsia.

**Batho ba ba tshabelelwang ke go sa tsheleng sentle ba tla tswelela ka go neelwa ditlamelo tsa botshelo tsa tshireletso.** Ditlamelo tsa tshireletso di na le seabe se se golo go tshegetsa batho le malwapa a a humanegileng a a sa tsheleng sentle. Lenaneo le le tla bakannngwa go itebaganya le ba ba le tlhokang, go fokotsa tshenyego, le go tlhomamisa gore le tsamaisiwa ka manontlhotlho.

## **THUTO LE TLHABOLOLO DIKITSO**

Thuto le dikitso tsa tiro ke konokono mo go tlhabololeng bodiredi. Di neela benggae dikitso tse di feletseng tse di ka ba thusang go fitlhelela bokgoni jwa bone, ka jalo di ba thuse go ka phadisana lefatshe ka bophara.

**Sechaba sa Botswana se tlaabo se humile dikitso-kitso ka thutego ya boleng jo bo maleba bo ntsha maduo, mme go gateletswe mo dikitsong tsa maranyane le tsa tiro ya diatla re sa lebale dithuto tsa maboko a dibuka (thuto e e ntshang maduo).** Go kgona se, go bona thuto ya boleng go tlabo go patelediwa ebile baithuti ba tla tswelapele fela fa maduo a bone a kgotsofatsa le gone a sa tlaele. Thuto ya botshelo jotlhe le tlathelelo dikitso tsa bodiredi di tla neelwa mongwe le mongwe, go gatelelwa ka tekanyo botsipa jwa tsa maboko a dibuka. Lenaneo la dithuto le tla sokwasokwa go tsamaelana le tse di tlhokwang ke itsholelo le kgwebo, boitseanape, dipalo le boranyane mme di tla rutwa go simolola kwa dikoleng tse di potlana go ya kwa go tse ditona.

## **TEKATEKANO YA BONG**

Bomme le borre ba tsenya letsogo mo ditlhabololong tsa matshelo le itsholelo, sepolotiki le ngwao tsa sechaba. Tekatekanyo ya ditshwanelo le go bulelwa diphatlha tsa matshelo mo go bomme le borre go ba thusa go tsaya karolo mo ditlhabololong tsa lefatshe.

**Botswana e tla nna chaba e borre le bomme ba neelwang sebaka se se tshwanang go nna le seabe mo ditlhabololong tsa itsholelo, matshelo, ngwao le dipolotiki tsa lefatshe la bone.** Go tla a remelelwa thata mo go tlhomamiseng gore bomme ba nna le tshwanelo e e lekanang le ya borre mo go polotikeng le go nna le kemedi mo sepolotiking. Botswana o tla dira gore melao ya mo gae ya ditshwanelo tsa batho e tsamaelane le melao megolo ya mafatshe e e rotloetsang tekatekano ya bong, go naya bomme bokgoni le go tsaya dikgato ka maikaelelo a go fedisa kgethololo ka bong le kgokgontsho ya bomme.

## BANANA

Banana ba na le bokgoni jo bontsi jwa go nna le seabe mo ditlhabolong tsa lefatshe la Botswana ka bophara mo le ka kgonang go phadisana le ditshaba-tshaba.

**Botswana o tla bo a beeditse mo bananeng go boelwa ke maduo a seabe sa bone.** Go tla dirwa mananeo a a akaretsang thuto e e botoka, mananeo a tokafaditsweng a tlhakenelo dikobo le tsholo, a go bula diphatlha mo go tsa itsholelo, a sepolotiki le go tlhoma makalana a a tlhokegang a tsamaiso mmuso go re banana ba tseye karolo.

## BOITEKANELO JWA BANA

Bana ba tlhoka lorato, tshireletso le thotloetso gore ba gole e le benggae ba ba ntshang maduo ba na le boikarabelo.

**Botswana o tla nna le tikologo e e babalesegileng e bana ba tla golang mo go yone go fitlhelela bokgoni jwa bone ka botlalo.** Se se tla kgonega ka thotloetso e e kwenneng ya malapa, tikologo e e babalesegileng e e sireletsegileng le thuto le botsogo tsemi nang le boleng. Bana ba rona ba tla nonotshiwa go tlhaloganya ditshwanelo le maikarabelo a bone.

## PILARA YA BORARO (3): TIKOLOGO E E ITSHETLETSING

**E tlare ka 2036, tiriso e e tsepameng e e manontlhotlho ya meamuso ya lefatshe la rona e tlabo e fetotse itsholelo ya rona ebile e tlhatlositse matshelo a batho ba rona.** Go kgona dikeletso tseno tsa rona go tlhokega gore go kelekwe gore a tikologo e nale bokgoni go amogela bokete jwa tiriso ya yone, go lemoga fa diphetogo tse re ka bonang di lebanye di simologang di be di felela teng, go rotloedwa dipoelo tse di kwa godimodimo tsa senelaruri mo meamusong e e ka ntshafadiwang. Meamuso ee ka sekeng yantshafadiwa e tla gongwa ka mo go babalelang tikologo le go beeletsa dipoelo tsa teng mo sefalaneng se se iteretsweng ke motho, mo go tsotlhe tse motho a dikgonang le dithoto tsa madi tse di ka dirisiwang ka botswapelo go solegela molemo dikokomana tsa rona. Re tla nna le boikarabelo mo boleng jwa meamuso ya tlhologo le botshelo jwa tsone. Dipeeletso, dipatlisiso le dikitso-kitso tse disha di tla bo di le botlhokwa thata go ema nokeng le go diragatsa lenaneo la diphetogo le le re isang kwa itsholelong ya mafulo a matalana a motia.

## DITIRELO LE TIRISO YA DITSA - TLHOLEGO

Re lemoga seabe sa ditlamelo ka go farologana ga meamuso ya tlhologo (diphologolo le dimela) e le ditsompelo tsa itsholelo, ebile se tshegeditse le go nonotsha matshelo a merafe.

**Botswana o tla a bo a na le ditsatlhologo tse di nonofetseng go tshegetsa itsholelo ya lefatshe, matshelo a batho, ngwao le setso sa Batswana le go itsetsepela kगतलhanong le diphetogo tsa loapi.** Re tla a baya tshomarelo ya meamuso ya tlhologo, ditsamaiso tsa dikitso tsa ngwao le tlhabololo ya itsholelo kwa godimo mo mananeong a ditlhabololo. Go nna le tikologo ee itekanetseng ka nako tsotlhe go tlaa akaretsa maiteko a tshomarelo le tlhokomelo e e tokafaditsweng e e okeditsweng ka tsamaiso e e somarelang tikologo. Merafe e tla a nna

le seabe ka botlalo mo go tlhokomeleng, go diragatsa le go aba dipoelo tse di bonwang ka maungo a ditsatlhologo. Seabe sa dipatlisiso mo go supeng le go tlhama dithoto tse di ka ananngwang se bothlokwa thata go hema tlhaselo ke tse dingwe tsa tlhologo tse di borai.

### **TSHOMARELO YA MEAMUSO YA TLHOLEGO**

Re le sechaba re lemoga gore dingwe tsa ditsatlhologo tsa rona ke tse di senang ntshafatso mme ka jalo go tlhokega gore di abiwe ka kelotlhoko go lebilwe nako eno le e e tlang. Re a itse gore le tšone ditsatlhologo tse di ka ntshafadiwang di ka kgaritlhega kana tsa fela fa di sa dirisiwe ka kelelelo. Botswana o lebanwe ke kwelo tlase ya metsi, dikgwetlho tsa kgotetso le tsamaiso ya lefatshe. Ka jalo, re lemoga seabe le maitlamo a rona re le batlhokomedi ba ditlamelo tse go re di fitlhelwe ke dikokomane tsa rona. Go thuthafala ga lobopo le phetogo ya seemo sa loapi di baka dikgwetlho go ya pele mo tirisong meamuso ya rona ya tlhologo ka kelotlhoko, re lebile segolo bogolo metswedi ya rona ya metsi le tsamaiso ya lefatshe.

**Re tla tlhokomela le go aba ditsatlhologo tsa rona ka tsela e e maleba e e somarelang tikologo.** Go tla a salwa morago thata mekgwa ya tiriso e e tsepameng, e e maleba e bile e aba ka manontlotlho meamuso ya rona. Mananeo a rurifatsang tiriso ya meamuso e e tsepameng a a ikaegileng ka melao ya tlhokomelo tikologo a tla dirwa. Fa re itebaganya le meamuso ya tlhologo e e sa ntshafadiwang, re tla a dirisa methale le maranyane ya go gonya ditswammung e e seng diphatsa mo tikologong le mo matshelong re tsaya boikarabelo jwa go busetsa mafelo a o mo seemong sa one sa pele. Re tlaa tlhomamisa gape gore morago ga kepo e tswalwa matshelo le go itshetsa ga batho go tswelala pele mo mafelong a o. Go tlaa dirwa go bo go salwa morago mananeo a a lebaganeng, go isa pele meamuso, e tshwana dikgwa, ditlhapi, diphologolo, dimela, lefatshe, dibapalwa-nageng le tse dingwe.

### **TSHIRELETSEGO YA METSWEDI YA METSI**

Metsi a tlhabela thata mo Botswana, mme e bile go lebe ga seemo se se tla a senyegela pele mo dingwageng tse di tlang. Ditshutiso tse di maleba go tsamaela kwa tirisong ya metsi le kgaogano e e monontlotlho ya one e bothlokwa thata go tlhokomela moamuso o. Go mo maruding a bana-le-seabe ba bagolo go tlhomamisa gore batho ba bona thothi e e teng le gore e abiwa sentle.

**Re tla be rele chaba ee dirisang metsi ka manontlotlho, re sa tlhoke metsi.** Re tla sala morago re be re rotloetsa mananeo a tlhokomelo ya metsi, a a lomagantsweng le a mangwe go balelwa le mananeo a tsamaiso le dithuto tse di rotloetsang tiriso e e lolameng le mai-teko a tshomarelo; tiriso ya metsi a a fa godimo ga lefatshe le a a kafa tlase ga lefatshe a tlhakantswe le ditsela tse dingwe tsa go tswedisa metsi a a kafa tlase ga lefatshe.

### **TSHIRELETSEGO YA SEEMO SA KGOTETSO**

Kgotetso e bothlokwa thata mo tlhahabolong ya itsholelo le matshelo a batho. Dikgang tsa konokono tsa kgotetso e e itshetletseng ke go nna teng ga metswedi ya kgotetso, go goroga ga yone kwa go botlhe, pabalesego, ditlhwathwa tse di motlhofo le go tshepega ga yone.

**Botswana e tla a nna lefatshe la seemo sa kgotetso se se tsepameng, ka metswedi e e babalesegileng, e e tswakanyeng e le phepa, e bile le kgona go rekisetsa mafatshe a man-gwe se se re saletseng.** Mhama wa tsa kgotetso o tla a fetolwa ka go dirisa meamusu e e ka ntshafadiwang go tlatsa e e ka sekeng ya ntshafadiwa. Kgatelelo e tla bewa mo tsamaisong e e manonthlotlo ya tsa kgotetso go lepalepana le tiriso e e goelang pele. Go tla a dirisiwa boranyane jo bo maleba go fokotsa go kuelela ga meso mo loaping. Go tla a dirwa tikologo e e ngokang, e itsheegile ka mananeo a tsamaiso le melao, gore go kgonege go nne le tshwaragano ya mmuso le mhama o o ikemetseng ka nosi le go beeletsu mo tirisong ya boranyane jwa kgotetso e e phepa le motswedi wa kgotetso e e ntshafadiwang.

## **TIRISO LE TLHOKOMELO E E TSEPAMENG YA LEFATSHE**

Lefatshe ke se dirisiwa se se felang mme tlhokomelo ya lone e ama boitekanelo jwa dintle-nyane tsa lone jaaka batho, dikgwa, makgobokgobo le tsa naga. Ka jalo, go botlhokwa gore thulaganyo ya tiriso e lemoge fa lefatshe e le lone pinagare ya ditlhabololo tse di tsepameng.

**Go tla a dirwa diphetogo mo tsamaisong ya rona ya lefatshe gore tiriso ya lone mo mehameng yotlhe e lekalekane.** Re tla tlhokomela tse di ntshang maduo a a kwa godimo mme di sa tshwane mo go tse di tlhokegang mo itshetsong, matshelo a selegae, le tikologo, go rarabolola tse di kgonegang go nna teng go gotlhana le tiriso ya lefatshe. Gape re tla aba lefatshe re lebile tse dikokomane tse di tlang di tlaa se tlhokang. Mebepe ya lefatshe e e supang kananyo ka botlalo pharologanyo ya dimela, ya boleng jwa mebu le mefuta ya ditshedi e tla supa kafa lefatshe le ka abiwang ka teng go lebilwe gape mananeo a tiriso e e rileng.

## **BONNO JWA BATHO JO BO ITSHETLETSING**

**Ditoropokgolo, ditoropo le metse ya rona di tla be di babalesegile di le phepa ebile di fa botlhe matlo a seriti a ditlhwatlhwa tse di kgonagalang ga mmogo le go ba bulegela go tsaya karolo mo go tsa itsholelo.** Metse ke yone boremelelo jwa ditiro tsa matshelo le tsa itsholelo, mme e tla tswelala ka go gola. Re tla dira maano le go sega mealo ya mafelo otlhe, dikago le ditlamelo ka tsela e e lomaganyeng go akaretsa botlhe, go somarela tikologo, le itsholelo e e tshelang, e tshageditse tshwaragano magareng ga ditoropo le metse ya selegae gore ditlhabololo e nne tse di itshetletseng.

## **GO LEPALEPANA LE PHETOGO YA LOAPI LE GO FOKOTSA DIBETSO**

Go thuthafala ga lobopo le phetogo ya seemo sa loapi di mo lebaleng mme di ka kgoreletsu maiteko a lefatshe a go godisa le go tlhabolola itsholelo. Re le tshaba re lemoga gore go ka nna dibetso di tshwana le melelo, merwalela le leuba tse di gakadiwang le go feta ke phe-togo ya seemo sa loapi. Ka jalo, re bona go tshwanela go tsaya dikgato tse di nonofileng go akaretsa mo lenaneong la rona la ditlhabololo, tshakatsheko ya diphetogo tsa seemo sa loapi le dipaka, go amogela ka kelo tlhoko, le go fokotsa manokonoko a dipetso tse. .

**Botswana e tla nna le kgotleleso ya loapi e e kwa tlase, mo tshabeng se se nang le**

**itemogelo le ikemisetso ya ditlamorago tsa phetogo ya loapi.** Ditogamaano le ditshwetso tsa rona di tla lemoga tse di ka amegang mothofo, le rulaganye dikgato tse di lebanyeng go lwantsha le go inakanya le seemo. Gape re tla nonotsha maiteko a go emelana le matshosetsi le go tlhagisa batho go sa le gale, le go ruta sechaba go itemogela, gonna mo tsaya karolo yo o ikiteileng sehuba mo maitekong a mafatshe go lwantsha phetogo ya loapi.

## **KGOTLEESEGO YA TIKOLOGO LE LESWE**

Kgotlelo ya tikologo ke nngwe ya dikgwetlho tse di lebaganyeng lefatshe leno mme ebile re amogela gore fa go sa dirwe sepe, e tla golela pele bogolo jang dipalo tsa batho le itsholelo ya lefatshe di gola.

**Botswana e tla be e le lefatshe le le phepa ka matlakala a a bonwang e le sedirisiwa sa botlhokwa se se ka akanyediwang mo mananeong a meamuso a a ka tshetsang batho.** Re tla kobakobana le mananeo a a somarelang tikologo, a a dirisang ditsompelo ka pabalelo, a fokotsa kgotlelesego. Retla rotloetsa go boelediwa gape ga dilo mo tirisong le go shafadiwa ga tsone, mo go tla pateletsang go tlaola matlakala kwa a leng teng. Se se tla otlelelwa ka go ruta sechaba, go dira mananeo a a maleba, melao ya tikologo, ditlhabololo le go tlhoma selekanyo sa meso, le gone go tokafatsa seemo le bokgoni jwa dipagamo tsa rona. Re tla sala morago go rotloetsa tiriso tse dingwe kwantle ga dikoloi, jaaka go tsamaya ka dinao le ka dibaesekele. Se se botlhokwa ka go lekana ke go tlhomamamisa gore go nale ditlamelo tsa boitekanelo tsa go latla leswe.

## **PILARA YA BONE (4): TSAMAIISO PUSO, KAGISO LE TSHIRELETSEGO**

**E tla re ka ngwaga wa 2036, Botswana e bo e le lefatshe la kagiso, kgololosego le tsamaiso mmuso e e gatetseng pele.** Borukutlhi le tshenyetso setšhaba di tlaa bo di fokotsegile fela thata, mme makgotla a sechaba a a emeng fale le morafe ba tla nna le seabe mo tsamaisong ya ditlhabololo. Botswana o tla nna le tsamaiso ya boatlhodi e e direlang botlhe, e e dirang ka botswapelo le go nna lefatshe la kagiso le sepolotiki se se ritibetseng, le le tla okang babeetsi. Lefatshe la rona le tla tswelela e le leloko la motia la makgotla a mafatshefatshe ebile le tshageditse seriti sa lone se sentle lefatshe ka bophara. Gore go nne le diphetogo le go kgotsafatsa Botswana mo go tse ba di solofetseng, molao motheo le kago ya molao di tla sekasekwa mme di tokafadiwe.

## **MOLAO-MOTHEO LE DITSHWANELO TSA SETHO**

Molao-motheo le molao wa ditshwanelo tsa setho mo Botswana di tla tlhomamisa tekatekano ya batho, puso ka fa molaong, tshepiso ya Botswana jwa bone ka matsalo, gontse go neelwa mongwe le mongwe phuthologa ya go nna le seabe mo mererong ya setšhaba.

**Batswana ba tla a tshela ba akola ditshwanelo tsa bone tse ba di tshepisitsweng ke molao-motheo.** Botswana e tla nna lengwe la mafatshe a a tumileng ka go sireletsa ditshwanelo tsa setho. Ditshwanelo tseno di tlaa bo di beile mo tumelong ya gore ditshwanelo tsa sechaba le morafe di kwa godimo ga tsa motho ka esi.

## POPEGO YA MAKALANA

Makalana a a tlhomilweng a fa ditirelo tse di nametsang tse di nang le maduo di ikaegile ka kago e e nonofileng ya molao le mmuso o o anameng. Ditirelo di letlelela gore mongwe le mongwe a tsenye letsogo mo thulaganyong ya ditlhabololo, go itsheka ka boammaaruri, go lwela ditirelo mo pontsheng, boikarabelo, go nonotsha kagiso le go tlhomamisa tšhaba e e bopaganeng, e tsweletse pele.

## KGAOGANYO YA DITHATA LE BOOKAMEDI JO BO NTSHANG MADUO

Maikaelelo a molao-motheo wa rona ke go kgaoganya dithata fa gare ga botsamaisi jwa puso, boatlhodi jwa ditsheko le badira-molao se se tsepamisiwang ke makgotla le makalana a a okametseng ditiro go ntsha diterelo, a agetswa mo ditsamaisong tsa maemo a kwa godimo-dimo ka seelo sa mafatshe.

**Makalana a mararo a puso a tla tswelela ka go ikemela ka nosi mo ditirong tsa one go tlhomamisa go ikanyega ga one mo setšhabeng.** Makalana a, a tla engwa nokeng ke makgotla a a okametseng ditiro a tla fiwang dithata tsa tsamaiso mmuso e e gatetetseng pele.

## BOGOSI LE TSAMAISO YA KGOTLA

Bogosi botswa goo lowe mo Botswana, ebile bo dirile go le gontsi kwa tshimologong ya boipuso jwa lefatshe la rona. Bo nnile le seabe se se tona fela thata mo tsamaisong mmuso ya lefatshe la rona. Bo rotloeditse, jwa lomaganya maiteko otlhe a morafe, jwa tsosolosa mephato le mowa wa boithaopo o Botswana ba tswang kgakala ba itsewe ka one. Tsamaiso ya Kgotla ke yone pinagare ya tsamaiso ya puso ya batho ka batho mo Botswana. Ka nako ya Tebelopele eno, go tlaa tlhokomelwa gore go nna le seabe se se utlwalang sa makalana a setso a tlhamiwa go lebilwe gore chaba ya segompiano ke ya botshelo jwa setoropo, le ya puso ya batho ka batho.

**Bogosi e tla a be e le lekalana le le bonalang, le dira, le na le dithata tsa tsamaiso semmuso, le na le seabe mo tlhabolong ya sechaba.** Bogosi bo tla tswelela bo tshegeditse thokgamo ya matshelo, popagano le go rotloetsa merafe e e farologanyeng go tshela mmogo sentle. Dithata tsa Dikgosi mo go tlhabololeng morafe le tsamaiso ya dikgang tsa sechaba di tla a tswelela di ntse di kanokwa go di lomaganya le mabaka a masha. Melao ya Botswana go lebilwe melao ya setso le ya segompiano e tla letlanngwa. Merafe yotlhe e tla a tlotliwa ka go lekana e be e nna le baemedi kwa Ntlong ya Dikgosi. Kgotla e tla a tswelela e nna lefelo la dikgang tsa morafe le bokopanelo, ditogamaano tsa ditlhabololo, le boremelelo jwa kagiso le popagano.

## GO ISA DITIRELO KWA BATHONG

Go isa ditirelo kwa setshabeng go rotloetsa go tsenya letsogo mo ditlhabolong, mme makalana a selegae ke one dikoloi tsa botlhokwa go rwala mananeo a ditlhabololo go tswa kwa tlase go ya kwa godimo le a a kgweediwang ke batho ba motse. Go isa ditirelo kwa setshabeng go di atumetsa gaufi le batho, mme ka ntlha e nngwe, lentsewe la bone le utliwa



ka kemedi ya sepolotiki.

**Go kgaoganya dithata, ditshwetso, go abelana ditlamelo le go isa ditirelo kwa bathong, e tla nna one moono wa tsamaiso mmuso wa rona.** Re tla rotloetsa bolaodi jwa selegae go tsenya letsogo thata mo go kgarametseng ditlhabololo mo dithoteng tsa bone ba gogiwa ke molao le diphetogo tsa molao-motheo. Bolaodi jwa selegae bo tla newa marapo ka dithata tsa sepolotiki le bodiredi go dira ditshwetso, go iphuthela ditsompelo, go rotloetsa ditiro tsa itshetso ya selegae, le gone go inakanya le ba bangwe ba ditlhabololo jaaka ba mhama o o ikemetseng ka nosi le makgotla a sechaba go gorosa ditirelo tse di nonofileng mo bathong ba bone.

## **SEABE SA MAKGOTLA A SECHABA**

Makgotla a sechaba, aa akaretsang makgotla a babereki le a sedumedi ke badisa ba tse di diragalang, a na le seabe se se golo mo go supeng diphatlha le go gakolola puso mo dikganyeng tsa matshelo a itsholelo ya batho.

**Makgotla a sechaba a tla dira ka semmogo le puso a nale tetla kafa molaong mo tsamaisong ya go dira lenaneo la ditlhabololo tsa sechaba.** Re tla a nonotshale go ema nokeng makgotla a rona a sechaba go dira ditiro tse di tlaleletsang maiteko a puso a ditlhabololo. Makgotla a rona a sechaba a tla nna le botshelo, a buelela sechaba, segolo bogolo ba ba senang bokgoni.

## **TUMELO LE SECHABA**

Tumelo ke nngwe ya dithari tse di bopaganyang sechaba. Gontse gole boammaaruri gore mo mabakeng a mangwe e ka nna borai mo setshabeng. Mo Botswana makgotla a sedumedi a nnile le seabe se se tona mo go ageng lefatshe la rona, mme ebile a tla tswelela a dira jalo mo isagong. A tswelitse ka go ntsha diterelo di tshwana kalafi, boeteledipele, tlhokomelo ya masiela le thuto, re nankola di se kae fela. Batswana ke tshaba methobo e mentsi ya merafe e e farologanyeng ka ditumelo tse le tsone di farologanyeng, mme e nnile le seabe mo ditlhabololong tsa lefatshe leno ebile di santse di tlaa tswelela jalo.

**Makgotla a sedumedi a Botswana a thusana le puso, a tla a tshwara ka natla go bopa boitshwaro, go rotloetsa go tshedisanya mmogo ga setho, le go tlhomamisa tswelolepele ya mmuso.** Matshego a rona a sechaba a boitshwaro a tla a bo a remeletse mo maitseong ka go farologana, go balelwa le mekgwa ya sedumedi. Makgotla a sedumedi a tla nna le seabe go gakolola puso mo go tsa go tshedisanya ga setho le tsa tsamaiso-mmuso. Ditumelo tsoatlhe di tla fiwa tlotla ya go nna le seabe sa nnete mo tlhabololong ya matshelo a itsholelo ya Botswana.

## **GO DIRELA DILO MO PONTSHENG, MAIKARABELO LE TIRAGATSO**

Go direla dilo mo pontsheng le go nna boikarabelo ke bokao jwa tsamaiso-pono e e gatetseng pele, ee tlišang tšhepo fa gare ga sechaba, makalana a puso, makgotla a a ikemetseng ka nosi, le makgotla a sechaba. Fa go sena se, tshenyetso sechaba e ka fetelela, ya kgoreletsa

ditlhabololo le ditirelo tsa boleng, le madi go tsema mo lefatsheng. Bodirela puso jo bo ntshang ditirelo ka botswerere bo rotloetsa maikarabelo ebile bo thibela tshenyetso sechaba.

**Botswana o tla a nna le boeteledipele jo bo sa fitlheng sepe, bo na le boikarabelo mo makaleng otlhe.** Badirela-puso ba rona, go balelwa baeteledipele ba sepolotiki, mhama o o ikemetseng ka nosi, le makgotla a sechaba, ba tla ikarabela mo setshabeng ka se ba itlamileng ka sone, ditiro le tse ba sa di dirang tota. Go fiwa kitso e tla nna tshwanelo e e tlhomamisiwang, ebile e rokotsa sechaba go tsenya letsogo.

**Botswana ga ana go mpampetsa tshenyetso sechaba.** Botswana o tla tsweledisa seriti sa gagwe jaaka lengwe la mafatshe a tshenyetso sechaba e leng kwa tlase. Twantsho tshenyetso sechaba e tlaa bo e le maikarabelo a Motswana mongwe le mongwe.

**Bodirela puso ja rona bo tshwaraganye le banale-seabe ba bangwe, ba tla neela batho ditirelo tsa maemo a ntlha, ebile ba dirisa ditsompelo tse di seng kalo go ntsha maduo a a bonalang.** Setso sa rona re le sechaba sa botho se tla tshoetsa go isa ga rona ditirelo go sireletsa seriti le botho jwa ba re ba direlang, mme ba kgone go bona ditirelo. Makgotla a mmuso a tla isa ditirelo ka mekgwa ya segompiano e e tlhabolotsweng. Bodirela puso bo tla tlhabololwa fa go tlhokega go tokafatsa go ntsha ditirelo.

## **TSAMAIISO YA DITLHOPHO LE BOEMEDI JWA SEPOLOTIKI**

Tsamaiso ya ditlhopho le tlhopho ya baeteledi-pele e e gololosegileng, e tsamaile ka tekat-ekanyo, di nale boleng di dira motswako wa botlhokwa wa puso ya batho ka batho. Tsotlhe tse di ikamile ka tsamaiso ya ditlhopho e e amogetsweng ke bontsi jwa batho.

**Botswana e tlaa bo e le lefatshhe tsamaiso ee nonofileng ya puso ya batho ka batho, e gololesegile, e le ya seemo sa mafatshe-fatshe.** Tsamaiso ya ditlhopho e tla rulaganya ditlhopho tse di senang tsietso, di gololesegile, ebile di tshepega go supa gore baemedi ba tlhophilwe ka mokgwa o o tsamaelanang le dikeletso tsa batlhophi le tsamaiso ya go tlhopho e e ratilweng. Tsamaiso ya rona ya ditlhopho e tla a tsamaisiwa ke lekgotla le le ikemetseng ka nosi le le itlolang. Baemedi ba sepolotiki ba diphathi tse di farologanyeng e tlaa bo e le batho ba tlotlegang ba amogwelwa ke botlhe. Ba tlaa bo ba rutegile le gone ba na le dikitso tsa go etelela pele batho ba dipaka tseno ba chaba e e inakantseng le dinako.

## **BORUKUTLHI, KAGISO LE TSHIRELETSO**

Tikologo e e se nang borukutlhi ke yone motheo wa kagiso le thitibalo. Tlhabololo matshelo a batho le itsholelo, go sa tshelwe mo poifong le dintwa, tikologo ya bonno e e babalesegileng le tsamaiso ya boatlhodi e e lolameng, di tshwanetse go nna seemo sa tlwaelo. Lefatshe la kagiso le thitibalo ya sepolotiki ke kgogedi ya babeetsi.

**Botswana e tla nna tshaba ya kagiso, e borukutlhi bo bonwang ka sewelo.** Banni ba Botswana, benggae, baagedi le dithoto di tlaa bo di sireletsegile, go tshedisana sentle go obamelwa molao. Sechaba se tla tshwaragana le mephato ya itshireletso go lwantsha borukutlhi. Go tla tlhomamisiwa gore go nale pabalesego mo ditseleng, mo bathong mo dithotong le ditlamelo. Maemo a Botswana mo lefatsheng e le lefatshhe la kagiso le thitibalo a tla

tswelera a gola go nna sekao mo mafatsheng a Afrika le a mangwe. Batswana ba tla tshela matshelo a a nang le seriti, a a senang dintwa tsa digai, ebile lefatshe le tla a rekegela ditshwanelo le tshosologo tsa botlhe.

### **DITIRISANYO LE MAFATSHE A SELE**

Go tshela mmogo ka kagiso, go tlotla le go dirisanya sentle le mafatshe otlhe mo lefatsheng, go rotloetsa kgwebo le dipeeletso tsa mafatshefatshe, gape go tihomamisa seriti sa lefatshe, ipuso, go tshedisana sentle le mafatshe a baagisanyi, a kgaolo le a a kgakala. Maemo a Botswana mo mafatsheng jaaka lefatshe la kagiso le thitibalo a tla tswelera a gola, jaaka Botswana e nna sekao sa kgaolo le mafatshe, se se supa mosola wa go tshela ka kagiso mo tlabolong ya matshelo le itsholelo le tsa sepolotiki mo e setseng e le tlwaelo go itsewe jaaka barata kagiso mme ka jalo go tlhokega gore e somarelwe le go ngomaelwa.

**Botswana e tlaa nna lefatshe le le nang le maikarabelo, le le itlamileng le go tlotla boloko jwa lone mo mafatsheng.** Re tlaa godisa re be re nonotsha tirisano mmogo ya rona le mafatshe a mangwe le go nna le seabe go leba kafa mafatshe a tsamaisang ka teng merero ya one le go tsena mo papadisanong le mafatshe. Gape re tla a dirisana le baagisanyi go komakana ditsompelo tse re nang natso le go tlabolola ditsela tse disha tsa go godisa itsholelo ka ditsompelo tse re nang natso le go bo re le bana ba motho ba ba nang le ngwao e e tshwanang. Lefatshe la rona le segofetse ka le dikologilwe ke mafatshe a SADC. Re tla dirisa sebaka seno go nna boremelelo jwa tsela e dithoto di fetang ka yone, ditirelo le mesepele ya batho.

### **KGOLOLESEGO YA GO BUA LE GO BOPA MAKGOTLA**

Tiro ya bobegadikgang le makgotla a sechaba a tshwana makgotla a babereki le diphathi tsa sepolotiki ke seikokotlelo sa botlhokwa sa puso ya batho ka batho e e tshedisang le botlhe e bile e na le botshelo. Re tla nna le puso ya batho ka batho e banni ba yone le baagedi ba tla a neelwang dikitso gape ba gololesegile go bua maikutlo a bone. Ba kgaso ba dira tiro ya botlhokwa mabapi le tsa gololesego go ntsha mahatlha a bone. Metswedi ya dikgang e thusa thata mo go ntsheng mahatlha ga batho, go phatlalatsa dikitso tsa boammaaruri, go direla dilo mo pontsheng le go supa maikarabelo.

**Botswana o tla tswelera ka go tihomamisa tshwanelo ya batho go ya ka molaomtheo, eleng ya go newa kitso, gololesego ya go tshwara diphuthego, le go ntsha maikutlo.** Go botlhokwa go itse gore mmualebe o a ba a bua la gagwe gore mona-le-ntle a le tswe, mme gape go tla a somarela diphiri tsa motho. Kgang ya ntwa kgolo ke ya molomo e tla a somarelwa thata.

## KGALO YA BONE (4): GO DIRAGATSA TEBELOPELE

Go atlega ga Tebelopele ke maikarabelo a setšhaba sotlhe. Rotlhe re na le seabe se segolo mo go diragatseng. Go amogela gore ke ya rona rotlhe le gore ketelelo pele ya motia ke bogogi jwa puso go botlhokwa go tliša maduo a re a eletsang. Tautona wa lefatshe o tla fa keta-pele, a bo a rwala Tebelopele e ka magetla. Kgato ya ntliša e e botlhokwa thata, ke go bona tsela e e naling le maduo, e e ntshang maduo e dirisa ditsompelo di se kae fela, e e lebileng tsotlhe, go diragatsa Tebelopele Ya 2036.

Ka jalo, re tla batla ditsela tsa motia tsa go re banale-seabe botlhe ka go farologana ba tshwaraganele go diragatsa, go lomaganya le go baya leitlho Tebelopele e. Dirwe tse nne tsa thulaganyo ya tiragatso ya Tebelopele e, ke Lenaneo la Sechaba la Togamaano ya Diphetogo (*Transformative National Strategic Planning System*), Thulaganyo Ya Go Dirisa Maitlamo (*Institutional Delivery Mechanism*); Lenaneo la Peo-Leitlho le Tshekatsheko (*Monitoring and Evaluation System*); Lenaneo la Tsamaiso Dipuisano le Phetogo ya Dilo (*Communications and Change Management System*).

### LENANEO LA SECHABA LA DIPHETOGO (*National Transformation Strategy*)

Go kgonatse go diragatsa Tebelopele ya rona, re tla nna le Lenaneo La Sechaba La Diphetogo (*National Transformation Strategy (NTS)*) e e akaretsang tsotlhe gore e nne lone motswedi o o tla dirisiwang, mme o tla sekasekwa gangwe le gape go rurifatsa tsamaelano le diphetogo tse di diragalang mo lefatsheng ka bophara le mo gae. Lenaneo le, le tlaa fa maano a a lomaganyeng, a itlhalosa ebile a tsamaelana le a ditsamaiso tsa mehama le makalana le a dikgwebo tsa beng, sechaba le dikgaolo. Le tla dirisiwa gape e le moalo wa go rarabolola dikganetsanyo mo melawaneng fa di leng teng, le go tsaya ditshwetso tse di tiileng tse di supang lethoko la sechaba go ya boleeleng, go na le dikeletso tsa nakwana. Mananeo a ditogamaano tsa ditlhabololo a sechaba le a dikgaolo le ditoropo, a tla a nna one a diragatsang. Go diragatsa Tebelopele e, go itshwareletse ka tshwaragano ya banale-seabe botlhe go alosa le go abelana dikitso, boitseanape, boranyane le dithata tsa madi. Lenaneo le tla supa tsotlhe tsa diphetogo tsa botlhokwa mo molaong-tsamaiso mo makalaneng le mo ditlhaloganyong go ka fetola Botswana go tswa mo itsholelong e e ikaegileng ka dipoelo tsa ditswammung go ya mo go e e beileng mo phadisanyong, maduo a botswapelo, bonatla le go bulegela mafatshe a sele. Kamogelo ya Tebelopele e, go raya go amogela diphetogo tsa bogaka tse di mo Lenaneong le. Diphetogo tsa konokono tse di tlhokegang ke:

- Go tswa mo go ikaegeng ka diteemane le puso, go ema ka dinao ka tlhoafalo go tsaya dikgato tsa motia go tswakanya itsholelo.
- Go hetlha khumo ya sechaba ka go phadisana, go ntsha maduo le bothaga mo tirong, go na le go ikaega ka madi a a tswang mo khumong ya ditswammung tsa rona fela.
- Go bulela lefatshe la rona babeetsi le baeng, mme ka go rialo re tsenya itsholelo botshelo le go lomela sechaba mo itsholelong ya mafatshefatshe.
- Go kgonisa Botswana go ikemela ka nosi, go ipelega ka mowa wa bogwebi, boemong jwa go ikaega ka puso, le go fetola seabe sa puso go tswa mo go sa go laola go ya kwa go sa go dira dilo motlhofo.

## THULAGANYO YA GO DIRAGATSA MAITLAMO

Tiragatso ya Tebelelopele e tla etelelwa pele ke lekalana le le nang le bokgoni, le tsamaisiwa sentle ebile le na le ditsompelo tse di tlhokwang go tlhomamisa tiro ka botlalo. Lekalana le tla a tlhomamisa gore ditiro tse dikgolo di a dirwa. Gore go kgonege, go ka nna ga tlhokega gore tsamaiso ya mananeo e fetolwe, go sekasekwe makalana, ditsamaiso le melao. Lekalana le le tla a lebagana le ditiro tse nne tse di dikgolo tse di latelang:

- Go nna mmampudi wa go diragatsa Lenaneo la Sechaba la Diphetogo (NTS) , go tsenya le go tlhomamisa go e akaretsa mo Lenaneong la Ditlhabololo tsa Sechaba, mo kabong ya madi a sechaba, tsamaiso ya mananeo, melao le mo ditirong tse dikgolo tsa semmuso;
- Go lomaganya ka tebelelopele ditiro le tsamaiso ya mananeo, segolo bogolo fa di anamela mo makalaneng a a farologanyeng a mmuso (maphata a puso le makalana a a kopanetseng tiro le mmuso), go tlhomamisa gore ditiro le ditshwetso di lomaganngwa mo maphateng a mmuso sentle;
- Go rarabolola thulano mo go tsa tsamaiso ya mananeo, gore maikaelelo magolo a a gogelang kgakala a Tebelelopele e (go godisa ka tlhoafalo, ka tsela e e busetsang, e e lekalekanang, le go nna le itsholelo e e bulegileng le sechaba se se amogelang ba bangwe) a sala e ntse e le one a konokono;
- Go lomaganya go diragadiwa ga ditiro tse dikgolo tsa sechaba le go tlhomamisa gore di a diragadiwa ka nako le ka madi a neng di a abetswe.

Lekalana le, le tla tsenya leitho mo ditirong tsotlhe tsa puso go lebilwe go tswa godimo (*bird's eye view*), gore le kgone go nna le seabe se se lebelang pele sa go lomaganya, le na le dithata tsa go tsaya ditshwetso fa go tlhokega. Le tlaa bo le le bontlha bongwe jwa puso, mme le itebaganya thata le ditiro tsa puso le mhama wa semmuso ka bophara. Le fa go le jalo, gape le tla baya leitho le go kanoka ditiro tsa mhama o o ikemetseng ka nosi le makgotla a sechaba, go bona seabe sa one mo go diragatseng maitlamo a Tebelelopele.

## TSAMAISO YA PEO LEITLHO, KANOKO LE BOIKARABELO

Re tla tlhokomela thata go tsenya leitho, go kanoka le go bega tse di dirwang mo lobakeng lotlhe lwa Tebelelopele. Go baya leitho le go kanoka go tla nna le ditiro dile mmalwa, go itsheegile ka tsamaiso ya mananeo le melao fa go tlhokafalang teng. Santlha e tla tsaya ka motlhala maikemisetso a a tsamaelanang le maitlamo a Tebelelopele, a a kwadilweng mo bukaneng e. Sa bobedi, e tla bega tse di kgonneng. Sa boraro, mme e le ka bophara, e tla a tlhofofatsa, e dira, e bo e roma ba bangwe go tsenya leitho le go kanoka ditiro tsa puso dingwaga dingwe le dingwe tse tlhano go betla tsela e ntsha ya go dira ditogamaano. Se se tla dirwa ka mehama e e farologaneng ya bothokwa:

- Go dira tsotlhe tsa go tsenya leitho le go kanoka tse di mo mekwalong ya tsamaiso-mananeo, go tlatlhoba tiragatso le tsamaiso-mananeo le tsone tota Ditogamaano tsa Ditlhabololo tsa Sechaba (NDPs);
- Go sekaseka ditiro tse di bewang pele tsa ditlhabololo go kgonisa tseo-tshwetso le go aba ditsompelo tsa sechaba tse di boutsana ka tebo e e rileng e e nang le madu;
- Go seka-seka ka fa ditiro tsa ditlhabololo di weditsweng ka teng go tlhomamisa gore

maduo ke one a a neng a gopotswe le gore a merokotso e diragetse;

- Go thusa puso go dira tsamaiso- mananeo, go a tlhatlhoba le go a tokafatsa, go beilwe mo dikitsisong tse do tlhomamisitsweng.

Go tsenya leitlho mo, le go kanoka go fa matshego a boikarabelo. Fa go seyo, makgotla le ope fela, ba ka se kgone go arabela sepe se se dumalanweng go dirwa. Go dira ka botlalo thulaganyo ya go tsenya leitlho le go kanoka go tla tlhoka tirisanyo le makalana a a phuthang a soboka dipalo le dikitsiso, go balelwa le Statistics Botswana, makalana a tsamaiso a tselele-tsele, mhama o o ikemetseng ka nosi, lemakgotla a sechaba le makalana a mafatshe. Se, se tla rotloetsa tokafatso ya dipalo, dikitsiso le tse dingwe tse di phuthilweng tse di tla kgontshang go direla dilo mo pontsheng le boikarabelo, mme ebile go ka thusa lefatshe la Botswana go bona gore re dira go le kae Maitlamo a Lekgotla la Ditshaba a Ditlhabololo Tse Di Itshetletseng (SDGs). Go thusa go tswa go itebaganya thata le di dirisiwa le ka fa di bonyweng ka teng go itebaganya thata le maduo a ditlhabololo. Se se botlhokwa thata, ka se tla bopa ngwao ya gontsha maduo.

Tiro ya go tsenya leitlho le go kanoka, e tla tswelela e le bontlha bongwe jwa ditiro tsa puso, mme fela e direlwa kwa bothokong. Go ikemela ka nosi ga yone ga go a tshwanelwa ke go tsenwa ke mhoholela, ka go tla kgonisa go dupa *le go bua boammaaruri jo bo sa jelweng pheko*.

## **TSAMAISO YA DITLHAELETSANYO LE DIPHETOGO – GO GAPA DIPELO LE DIKAKANYO TSA BATHO**

Tebelopele ya 2036 e tshwanetse ya atlelwa ke botlhe ka jaana e le botlhokwa thata go bopaganya sechaba. Go atlega ga yone go tla bontsha kwa reyang teng mo go botlhe banang-le-seabe ka go tlhaeletsana ka nako tsotlhe. Ka jalo, re tla dira Lenaneo la Dipuisanyo (*Communications Strategy*) le go bolotsa letsholo la dikitsiso go tswa tshimologong go ya goileng mo lobakeng lotlhe lwa Tebelopele, re itsise sechaba gore re tsamaya fa kae go diragatsa dikeletso tsa rona. Mo go tla a rotloetsa kamogelo le tshegetso ya Tebelopele, go naya mongwe le mongwe sebaka sa gonna le seabe mo go e diragetseng. Gape go tla kgothatsa boeteledipele jwa puso le ba eseng ba puso go tlhofofatsa maiteko a go diragatsa Tebelopele e. Se se tona mo lenaneong la dikitsiso/puisano ke go gwetlha dikakanyo le ditlhaloganyo tsa benggae go tsepama mo tseleng ya Tebelopele eno.

SETSHWANTSHO SA NTLHA: THULAGANYO YA GO DIRAGATSA TEBELOPELE YA 2036




Figure: Vision 2036 Delivery Mechanism

## APPENDIX 1: HIGH LEVEL OUTCOME INDICATORS

OUTCOME	INDICATOR	DATA SOURCE	TARGET (2036)	BASELINE (YEAR)
<b>SUSTAINABLE ECONOMIC DEVELOPMENT</b>				
<b>HIGH-INCOME COUNTRY</b>	Annual average rate of growth of real GDP	National Accounts (Statistics Botswana Report)	6%	4.7 % (2005-2014)
	Real Gross National Income (GNI) per capita (Constant)	<b>World Development Indicators</b> <a href="https://data.worldbank.org/indicator/NY.GNP.PCAP.KD?locations=BW">https://data.worldbank.org/indicator/NY.GNP.PCAP.KD?locations=BW</a>	TBD	US 7,058 (2014) updated US 7,686
<b>DIVERSIFIED ECONOMY</b>	BASELINE	BIMTS, BOB Corrected to National Accounts Report SB	2021: 23 %	15% (2014)
			2026: 27 %	
			2031: 32 %	
			2036: 39 %	
Annual average rate of growth of non-diamond real GDP	National Accounts (Statistics Botswana Report)	6.4 %	7.0 % (2005-2014)	
Non-Diamond contribution to GDP	National Accounts (Statistics Botswana Report)	TBD		
<b>PRESERVING NATIONAL WEALTH</b>	National Wealth (Assets)	Bank of Botswana Report	TBD	340 % (2014)
<b>COMPETITIVE AND PRODUCTIVE ECONOMY</b>	Total Factor Productivity (TFP) growth	BNPC	3.2 % pa	1.4 % (2004 -2013)
	Global Competiveness Ranking	World Economic Forum (WEF) <a href="https://www.weforum.org/">https://www.weforum.org/</a>	TBD	71 (2015)
	Doing Business Ranking	World Bank	TBD	74 (2015)
<b>ADEQUATE EMPLOYMENT OPPORTUNITIES</b>	Unemployment Rate	Various Surveys	5%	20 % (2013) BIAS IV
	Number of new formal sector jobs a year	Statistics Botswana Employment Survey	17,000/year	1500 (2011-15)
<b>BROAD-BASED PROSPERITY</b>	Legatum Prosperity Index (Ranking)	Legatum Institution ( <a href="https://www.prosperity.com/globe/botswana">https://www.prosperity.com/globe/botswana</a> )	TBD	77(2015)
<b>HUMAN AND SOCIAL DEVELOPMENT</b>				
<b>SOCIALLY INCLUSIVE</b>	Share of population living under poverty datum line (head-count poverty rate)	Household Survey (BCWIS)	TBD	6%
	Multi-Dimensional Poverty Index (MPI)	Multiple, including BCWIS, PHC	TBD	TBD
	Gini-Coefficient	Household Survey (BCWIS)	0.45	0.6 (2015 BMTHS disposable Income) Consumption
	Human Development Index Rating	UNDP	TBD	106 (2014)
<b>GENDER EQUALITY</b>	Gender Gap Index	World Economic Forum (WEF) <a href="https://www.weforum.org/">https://www.weforum.org/</a>	TBD	55 (2015 Rank) 0.710 (2015 Score)
<b>LONG &amp; HEALTHY LIVES</b>	Life Expectancy at Birth	PHC/UNDP HDI Plus other possible surveys	74	64 (2013) UNDP
	HIV Incidence Rate	BAIS (Statistics Botswana)	0.35 %	1.09 %
<b>QUALITY EDUCATION</b>	Share of trained workforce in the workforce	LFS, PHC	24 % (2021)	18% (2011)
			30 % (2026)	
			36 % (2031)	
			42% (2036)	



OUTCOME	INDICATOR	DATA SOURCE	TARGET (2036)	BASELINE (YEAR)
<b>SUSTAINABLE ENVIRONMENT</b>				
<b>FOOD SECURITY</b>	Global Food Security Index (GFSI)	FAO/EIU	TBD	Rank : 46/109 (2015) Score : 63/100 (2015)
<b>WATER SECURITY</b>	Annual water abstraction as a share of sustainable yields of surface water and groundwater	DWA Water Accounts	90% or less	not known
	Water re-cycling (% of water at treatment works that is re-used)	DWA Water Accounts	96 %	not known
<b>ENERGY SECURITY</b>	Annual Electricity import as a share of electricity consumption	Statistics Botswana Industrial Statistics Report	25%	41 % (2014)
<b>CLEAN ENVIRONMENT</b>	Emission of green-house Gas	TBD (Botswana Environment Statistics Report 2016)	15 % reduction from 2010 levels	TBD
	Proportion of domestic electrical power generated from solar sources (or other renewables)	DEA Energy Accounts	50%	2% (2015 estimate)
<b>BIODIVERSITY</b>	Number of species on IUCN Red List of Threatened Species	IUCN ( <a href="http://www.iucnredlist.org/">http://www.iucnredlist.org/</a> )	No increase	24 (2015)
<b>GOVERNANCE, SAFETY AND SECURITY</b>				
<b>ACCOUNTABLE, TRANSPARENT &amp; EFFECTIVE GOVERNANCE</b>	Ranking of Botswana in the Worldwide Governance Indicators (percentile)	World Bank ( <a href="https://databank.worldbank.org/source/worldwide-governance-indicators">https://databank.worldbank.org/source/worldwide-governance-indicators</a> )	85	Voice and Accountability
				Political Stability and Absence of Violence/ Terrorism
				Government Effectiveness
				Regulatory Quality
				Rule of Law
	Control of Corruption			
	Ibrahim Index of African Governance (IIAG) Ranking	Mo Ibrahim Foundation ( <a href="http://iiag.online/">http://iiag.online/</a> )	TBD	3 (2014) 70.5
Corruption Perceptions Index	Transparency International ( <a href="https://www.transparency.org/cpi2018">https://www.transparency.org/cpi2018</a> )	TBD	28(2015)	
Freedom in the World Score	Freedom House ( <a href="https://freedomhouse.org/report/freedom-world/2019/botswana">https://freedomhouse.org/report/freedom-world/2019/botswana</a> )	TBD	73 (2016)	
<b>PEACEFUL AND SECURE NATION</b>	Incidence of offences; against morality; against the person and against property, per 10,000 population	Botswana Police Service	2 % reduction a year	97 (2014) Index= 100; average 2005-14
	Global Peace Index (GPI) (Ranking)	IEP <a href="http://visionofhumanity.org/indexes/global-peace-index/">http://visionofhumanity.org/indexes/global-peace-index/</a>	TBD	31 (2015) 1.663

***Dintlha (Notes):***

- Makaedi ano a konokono a tladiwa ke makaedi a mangwe a masesane (a a sa akared-iwang fa) mme e le bontlha jwa makaedi a Tebelopele ka kakaretso.
- Makaedi a, a setse a nale dipalo le dikitsiso go tswa mo gae kana go tswa ma mafatsheng a sele.
- Maikaelelo ke gore mo isagong go phuthwe makaedi a mangwe a a amang katlego ya Benngae; Boitekanelo, Tsa Tlholego; Tshwaragano ya Malapa; Boitekanelo jwa Semoya le Kgotlelo Tikologo. Tse di tlhoka tlhaloso ya gore ke eng le gore di tlhoka dife dipalo le dikitsiso.
- Tsotlhe tse di tlhaetseng le megopolo di tla dirwa fa gontse go dirwa Lenaneo la Sechaba la Ditogamaano (National Transformation Strategy)

## TSETLANA 2: MOKGWA WA GO DIRAGATSA

### MOKWALO WA BOKAEDI

Go ne ga dirwa dithulaganyo di le mokawana pele ga go betlwa Tebelopele ya 2036. Thulaganyo ya ntlha, e ne e le ya go kanoka mekwalo ya lefatshe mo meonong e mene e leng itsholelo le tiro tokafatso matshelo; tikologo e e itsetsepseng; tsamaiso tsa mmuso, kagiso le tshireletso. Dikanoko tse di ne tsa dira gore go tlangwe mokwalo o o reng “Mokwalo kanyetso wa Tebelopele E Ncha Ya Mosepele oo Namileng wa Botswana.” (Draft Framework for A New Long Term Vision for Botswana)”. Mokwalo o, ke one oo betlileng tsela ya go thama Tebelopele ya 2036.

### LEKOKO LA BARONGWA BA GA TAUTONA

E rile go simololwa tebelopele ya bobedi ya Botswana, ya Tebelopele ya 2036, Motlotlegi Tautona a tlhophisa Lekoko le le tla dirang tiro, le maikarabelo a lone e neng e le go okama tiro. Thomo ya lekoko le e ne e le:

- Go rotloetsa Batswana go tthalosa kafa ba batlang gore matshelo, tikologo, sepolotiki le tlhabololo ya itsholelo tsa bone di lebege ka teng ka boleejana go ya pele;
- Go kanoka mekwalo yotlhe e e teng e e buang ka kgang eno (go akarediwa le Lenaneo la Nakwana le le neng le diretswe Tebelopele e Ntsha ya Botswana ya Lobaka lo Loleele, ka Mopitlo 2015).
- Go rerisanya le sechaba ka kgang e ka metswedi ya dikgang, diphuthego, dithuto puisano le tse dingwe le go koka go laletsa megopolo; e kwadilwe kgotsa e rolwa ka molomo, go tswa mo bathong ka bongwe ka bongwe kgotsa ka makgotla, le
- Go dira mokwalo wa Tebelopele ya Botswana ya Lobaka lo Loleele e Ntsha o o tla supang tumalano ya moonoo o o tswang mo ditherisanong tse.

### DITHERISANO

Lekoko la Barongwa ba ga Tautona le ne la tsamaya lefatshe leno ka bophara, le dirisa mekgwa e e farologanyeng ya go tsaya megopolo mo Batswaneng go utlwa gore ba eletsa go bona lefatshe la bone le ntse jang mo dingwageng tse di masome mabedi tse di tlang. Ditherisano tse, di ne tsa akaretsa bophara jwa Botswana, dikgaolo le kgaolo-potlana, diofise dikgolo tsa kgaolo le kgaolo-potlana le mafelo a mangwe a mabedi mo metsnge e mebotlana le e mennye. Mo godimo ga moo, mo kgaolong nngwe le nngwe ya botlhophi ya bopalamente, go ne ga tsewa lefelo le lengwe kana go feta go tthomamisa gore tsa sepolotiki di emetswe le tsone. Go ne ga etelwa dikgaolo di le legolo le boraro (103).

### TEKODISANO

Pele ga ditherisano, go ne ga lekodisanwa, ga tsibosiwa ba metswedi ya dikgang, le sechaba ka kakaretso ka thulaganyo ya ditherisano ka Tebelopele ya 2036 le go tlhamiwa ga yone. Go ne ga lekodisanwa gape ka bokhutshwane le Balaodi le maloko a Ntlo ya Dikgosi. Go ne ga lekodisiwa sechaba gape ka dipuisanyo go dirisiwa diromamowa le tsa ditshwantsho tsa motshikinyego ke Lekoko la Barongwa ba ga Tautona le ne le emetswe ke Modulasetilo le Mothusi wa gagwe, ba begela sechaba ka thomo ya bone.

## MEKGWA YA DITHERISANO LE BANALE-SEABE

Therisanyo yotlhe mo dikgaolong e ne laolwa ke mokwalo wa ditherisano o o neng o dirilwe. Diphuthego tsa Kgotla di ne di goga kwa tlhogong tsela yago rerisana le morafe mo lefelong lengwe le lengwe. Diphuthego tse di ne di tladiwa ke dipuisano tsa ditlhopha tse di faphegileng tse di neng di le teng. Mo diofiseng tsa ketapele tsa dikgaolo, ditoropo dikgolo le tse dingwe, diphuthego tse di tletseng tsa Khansele go rerisana le boeteledipele jwa sepolotiki. Therisano e ne e tsentsa le go tshwarwa diphuthego tse di faphegileng le ditlhopha tse di ipopileng jaaka makgotla a babereki, makgotla a batlhalefi, makgotla a sechaba, bana ba dikolo, metswedi ya dikgang, makgotla a sedumedi le makgotla a e seng a puso. Mme gape go ne ga rerisana ka bophara le batlotlegi bangwe ba sechaba sa Botswana. Go rerisantswe gape le Batswana ba ba nnang kwa ntle ga lefatshe leno ka go dirisa ba boemedi jwa Botswana kwa mafatsheng a sele. Go ne ga dirisiwa facebook, Twitter, ditshwantsho, di-video tse dikhutshwane mo Youtube le website ya puso ya Botswana ya Botswana Government Communications Information Systems (BGCIS), boranyane jwa e-mail le mekwalo e e rometsweng ya go phutha megopolo.

## GO TSAYA MALEBELA KWA MAFATSHENG A SELE

Mo godimo ga ditherisano tsotlhe tse di dirilweng le sechaba, go ne ga tsewa maeto go ya go tsaya malebela mo mafatsheng a le mane: Austria, Chile, Malaysia le Rwanda magareng ga kgwedi ya Mopitlo 2016 le Moranang 2016. Maikaelelo magolo a go tsaya malebela e le go ithuta mo mafatsheng a mangwe gore one a kgonne jang mo mehameng e re tlhaelang mo go yone.

## TSETLANA YA BORARO (3): MALOKO A LEKOKO LA BORONGWA BA GA TAUTONA

### RRE NEO MOROKA

### MODULASETILO

### RRE MARTIN M. MOKGWATHI

### MOTHUSA MODULASETILO (MODULASETILO WA LEKOKO LA TEBELOPELE YA 2016)

### BOEMEDI JWA MAKGOTLANA A A FAROLOGANENG

Kgosi Maruje III Thabo Masunga

Mme Elsie M. Alexander

Rre Thapelo Pabalinga

Rre Sam Digwa

Mme Sarah R. Dibe

Rre Johannes P. Tshukudu

Mme Regina Sikalesele-Vaka

Rre Oscar Motsumi

Mme Idah Mokereitane

Mme Koziba C. Malibala

Rre Bathusi Lesolobe

Mme Sekgabo Ramsay

Pastor Master O. Matlhaope

Rre Kabelo Binns

Ntlo ya Dikgosi

Botswana Congress Party

Botswana Democratic Party

Umbrella for Democratic Change

Botswana Federation of Trade Unions

Botswana Federation of Public Sectors Union

Business Botswana

Botswana Council of Non-Governmental Organisations

Mhama wa Merero wa Bong le Ditlhabololo

Banana (Youth)

Banana (Youth)

Botswana Council for the Disabled

Makgotla a Sedumedi (Faith-based Organisations)

Bobegadikgang

### BOEMEDI JWA BAITSEANAPE

### BA MOONO WA TLHABOLOLO ITSHOLELO E E TSEPAMENG

Rre Bashi Gaetsaloe

Rre Balisi Bonyongo

Rre Thabo Matthews

Rre Mpho Balopi

Rre Monametsi Kalayamotho

### BA MOONO WA TLHABOLOLO YA BATHO LE MATSHELO

Mme Gogontlejang Phaladi

Rre Solly Reikeletseng

Professor Keitseope Nthomang

Dr. Lemogang Kwape

### BA MOONO WA TIKOLOGO E E ITSHETLETSENG

Dr. Eagilwe Segosebe

Rre David Lesolle

Dr. Alfred Tsheboeng

Rre Leonard Dikobe

**BA MOONO WA TSAMAIISO MMUSO, KAGISO LE TSHIRELETSO**

Lt. General Tebogo Masire  
Mme Segametsi O. S. Moathlaping  
Rre Thebeyame Tsimako  
Mme Daphne Briscoe

**LEKOKO LA BOKWALEDI**

Rre Keamogetse Molebatsi – UNDP  
Professor Patrick Malope – BIDPA  
Mme Monica G. Mphusu – Bokwaledi jwa Tebelopele Ya 2016  
Rre David Sefawe – NSO  
Rre Johnson T. Maitetso – BIDPA  
Dr. Molefe Phirinyane – BIDPA  
Dr. Pelotshweu Moepeng – Bokwaledi jwa Tebelopele Ya 2016  
Dr. Sennyé Masike – BIDPA  
Dr. Muyeye Chambwera – UNDP  
Mme Kealeboga C. Gaboeletswe – NSO  
Rre Siphó Q. Madisa – NSO  
Mme Fidelity D. D. Monthe – NSO  
Rre Kedikilwe Maroba – BIDPA  
Rre Nonofó Mokwakwa – Bokwaledi jwa Tebelopele Ya 2016  
Rre Gabriel Monageng – NSO